

四庫全書

經部

欽定四庫全書

待軒詩記卷四

明 張次仲 撰

小雅

鄭譜小雅大雅者周居西都時之詩也小雅自鹿鳴至魚麗皆文武時詩自南有嘉魚下及菁菁者莪周公成王時詩陳氏曰周家之治至於文武其禮文寢以繁縟故周公因一事以作一詩其目二十有二以發揚其誠意太史錄之其後或舉是事則復歌是詩焉雅者正也正言其事無隱諷諫之致故比興視風為少而有小大之別鄭漁仲曰說詩者以政有小大故謂之大雅小雅然則小雅以蓼蕭為澤及四

海以湛露為天子燕諸侯以六月采芑為北伐南征  
皆為政之小者則常武之征伐何以大於六月卷阿  
之求賢何以大於鹿鳴乎雅有小大猶律有小吕大  
吕音節不同體裁亦異非謂所賦之事有小大也春  
秋襄公二十九年吳季札觀周樂歌大雅小雅是雅  
有大小已見於夫子未刪之前然無所謂正變正變  
之言不出於夫子而出於序未可信也小雅節南山  
之刺大雅民勞之刺謂之變雅可也鴻臚庭燎崧高  
烝民之美宣王亦可謂之變乎蓋詩之次第皆以世  
代為後先文武成康其詩最前故二雅首之厲王繼  
成王之後宣王繼厲王之後幽王繼宣王之後故二  
雅皆順其序國風亦然然則正變之說未可信也  
嚴坦叔曰雅之大小特以體之不同爾蓋優柔委曲  
意在言外風之體也明白正大直言其事雅之體也  
純乎雅之體者為雅之大雅乎風之體者為雅之小  
咏呦呦鹿鳴食野之苹便識得小雅興起誦文王在

上於昭于天便識得大雅氣象小雅大雅之別明矣  
鄒肇敏曰自昭王南征舟膠楚澤穆王西征荒服不  
至剛至厲幽王道大壞東遷之後雅音漸寢其可傳  
者惟思古等篇而已然尼父不之刪者以其出於憂  
時憫事發憤之所為或公卿大夫諷諫於上或士君  
子思怨於下後王得失之林周書所不載春秋所未  
及詳者亦於此乎見史遷所謂怨諱  
而不亂者聖人焉得而不存之乎

## 鹿鳴之什

## 鹿鳴

### 序燕羣臣嘉賓也

鄉飲酒燕禮注云鹿鳴君與臣下  
及四方之賓燕講道論德之樂歌

也朱傳萬曰君之燕臣其事非一有因祭而燕者有  
因朝而燕者有因聘而燕者有因錫有功而燕者其

事不同則所以相告者亦異蓋因事以有言因言以致戒而所謂大道者在是矣按禮有饗有燕饗在廟燕在寢饗則立成不坐設几不倚燕則旅降脫履升坐饗則獻依命數而止爵盈不飲燕則無算爵以醉為度此燕與饗之別也是詩云式燕以教云以燕樂嘉賓之心則知是燕非饗矣

呦

音幽从力从刀非

呦鹿鳴

叶

食野之苹

音平叶

我有嘉賓鼓瑟

吹笙

叶師切

吹笙鼓簧承筐是將人之好我示我周行

叶

興也呦呦和聲苹蘋蕭鼓動也瑟解見關雎笙以匏為之十三管列匏中而施簧管端簧解見王風君子陽陽吹笙則動其簧而發聲鹿得苹而鳴謂其有味也君子之於善亦如是而已故幣帛以將之琴瑟以樂之琴匏好善之誠淋漓潦倒周行大道也人真心愛我則言語非疑畏而不盡即委曲而不真故

惟好我乃示我周行周行謂非異端詭僻之學此二句是全詩綱領瑟包義氏所作笙簧女媧氏所作

呦呦鹿鳴食野之蒿我有嘉賓德音孔昭視民不忮

音挑

君子是則是傲

叶胡切

我有旨酒嘉賓式燕以教

叶牛刀切

今人呼為青蒿昭明忮薄教游也德音孔昭言其識論愷直也視民不忮言不忍薄待其民也是則是傲獨屬君子言為善類所欽仰也式燕以教燕飲而教游庶乎從容款洽而有浸潤之益矣式語詞

呦呦鹿鳴食野之芩

音琴

我有嘉賓鼓瑟鼓琴鼓瑟鼓琴

和樂且湛

音耽叶持林反

我有旨酒以燕樂嘉賓之心

琴草名莖如釵

敗葉如竹葉湛樂之至也曰燕樂嘉賓之心言非獨養其體娛其外而已所以樂其心也蓋不能致其樂

則不能得其心不能得其心則嘉賓不能盡其忠告  
之誠范氏曰賢者非以飲食幣帛為悅也婚姻不  
備則貞女不行禮樂不備則賢者不處夫賢者不處  
則豈能得其樂而盡其心乎禮樂相須以為用禮  
非樂不行樂非禮不舉自后夔以來樂以詩為本詩  
以聲為用及仲尼編詩為燕享祭祀之時用以歌而  
非用以說義也不幸腐儒競起齊魯韓毛四家各為  
序訓而以說相高漢朝立之學官以義理相授遂使  
聲歌之音湮沒無聞東漢末禮樂蕭條曹孟德平劉  
表得漢雅樂郎杜夔夔老矣久不肄習所得於三百  
篇者惟鹿鳴騶虞伐檀文王四篇餘聲不傳太和末  
又失其三左延年所得惟鹿鳴一篇而已至晉鹿鳴  
一篇又絕無傳後世不復聞詩矣按此乃黃才伯之  
論也然予讀魯論如興觀羣怨等語專言義理其論  
聲歌不過闕睢之亂一二言耳至於以思無邪一言  
該三百篇此豈沾沾在五音六律間哉孟子曰今之

樂猶古之樂若惟聲響是求此  
矇叟之事非儒者窮經之旨也

# 四牡

序勞使臣之來也

勞其來故述其途路之艱室家之情以存慰之

四牡騤

音非

周道倭

音威

遲豈不懷歸王事靡盬

音古

我心

傷悲

賦也騤騤行不止也周道大路也倭遲回遠也靡盬解見唐風鴛羽詩言奉命馳驅靡國不到羈旅

他鄉違親日久豈不思歸但為君即不得為親所以心自苦而不敢言歸也此述其在途之情而設為自

道之辭若此嚴坦叔曰文王未嘗稱王而言王事者諸侯受天子之命以治其國西伯受天子之命以

統諸侯使臣往來皆王事也



四牡駢駢

音

駢駢駢駢

音

駢駢

補切

豈不懷歸

王事靡盬

不

遑

遑啓處

馬最耐勞苦而

今喘息則其勞可知言馬勞則

人勞可知啓跪處居也古者席地故有跪有坐

跪者雙膝著地而直身坐者雙膝著地而坐也

人勞可知啓跪處居也古者席地故有跪有坐

跪者雙膝著地而直身坐者雙膝著地而坐也

人勞可知啓跪處居也古者席地故有跪有坐

跪者雙膝著地而直身坐者雙膝著地而坐也

人勞可知啓跪處居也古者席地故有跪有坐

人勞可知啓跪處居也古者席地故有跪有坐跪者雙膝著地而直身坐者雙膝著地而坐也

翩翩者騅載飛載下

叶

集于苞栩

况甫反

王事靡盬

不遑

將父

叶甫

將父

叶甫

興而此也此下三章皆設言在途而稱其

思念父母之情也

翩翩飛貌騅與住同音追今之

鵲鴒即左氏祝鵲性最孝飛止不離常處故得遂其

孝養我以行役身無常處不暇將其父鵲鴒之不如

義言鳥先飛而後集喻使臣先勞而後得所安

正

義言鳥先飛而後集喻使臣先勞而後得所安

義言鳥先飛而後集喻使臣先勞而後得所安

鵲鴒即左氏祝鵲性最孝飛止不離常處故得遂其孝養我以行役身無常處不暇將其父鵲鴒之不如

義言鳥先飛而後集喻使臣先勞而後得所安

翩翩者騅載飛載止集于苞杞王事靡盬不遑將母

叶

彼反杞枸杞也根名地骨嚴坦叔曰詩有三杞將  
仲子無折我樹杞柳屬也有臺南山有杞湛露在彼  
杞棘山木也此詩集于苞杞雅杖杜北  
山言采其杞四月隰有杞檍枸杞也

駕彼四駱載驟駸駸

音侵

寢豈不懷歸是用作歌將母來

諗

音審 賦也走馬曰馳不馳而步疾為驟駸駸馬前  
進之貌諗告也左傳辛伯諗周桓公君勞使臣述

叙其情以為汝之意蓋曰我豈不思歸乎誠思歸也  
故作此歌以將母之志來告于君也凡母之育子尤  
為劬勞而在家念子惟母尤切故特以母言之思  
歸者私恩也靡盬者公義也無私恩非孝子也無公  
義非忠臣也君子不以私害公不以家事辭王事臣  
之事君必先公而後私君之勞臣必先恩而後義

皇皇者華

序君遣使臣也

遣使即周易省方觀民之義故以敵謀度詢告之人君出使臣於千里

之外苟無以發其歡欣之誠則臣下意氣衰落而無由振發此四牡皇華諸詩所以作也

皇皇者華

叶

于彼原隰駢駢征夫每懷靡及

華夫隔句一韻

隰及隔句一韻

興而賦也皇皇言其盛華草木之

華高平曰原卑濕曰隰駢駢疾行之貌征夫謂使臣

每懷謂每事輒勤懷抱此言使臣所經之地原隰花

草足供流連而使臣惟以上德未宣下情未達為念

雖有花草亦不之顧其恪恭厥職如此此

詩蓋臨軒策命而贊美之詞實寓規于頌也

我馬維駒六轡如濡載馳載驅周爰咨諏

音沮平聲駒馬之壯而

嫩者六轡解見秦風駟鐵如濡言其潤澤載馳載驅惟日不足之意周徧爰於也周徧其所而訪問也使

臣自以每懷靡及故廣詢博訪以補其不及而盡其職也

我馬維騏六轡如絲

新齋切

載馳載驅周爰咨謀

謨悲切 騏色

之青黑者如絲調直也

我馬維駱六轡沃若載馳載驅周爰咨度

音驛駱解見四牡天潤

澤也

我馬維駒

音因

六轡既均載馳載驅周爰咨詢

音荀白雜毛曰陰

駒均調也

左傳訪問於善為咨咨事為諏咨難為謀咨謀咨禮為度咨親為詢魯語咨才為諏咨難為謀咨

義為度咨親為詢詩志諏謂虛中以聚人之言謀是就本事而籌畫度則因此推彼而徧計之詢則從謀

度後據成見而參其所不逮凡耆老之當問遺逸之當求鰥寡之當恤廢墜之當舉昏聩謀詢度中事也

歲周禮大行人王之所以撫萬邦諸侯者歲徧存三歲徧類五歲徧省小行人若國札喪則令賻補之若

國凶荒則令周委之若國師役則令犒禴之若國有

福事則令慶賀之若國有禍災則令哀弔之凡此五

物若治其事故及其萬民之利害為一書其禮俗政

事教治刑禁之逆順為一書其悖逆暴亂作惡犯令

者為一書其札喪凶荒厄貧為一書其康樂和親安

平為一書凡此五物者每國辨異之以反命於王

以周知天下之故李迂仲曰先達而後勞則皇華

當在四牡之前蓋三百篇之序多有倒置如載馳衛

懿公之詩乃在文公之後清人鄭文公之詩乃在突

忽之前葛藟平王之詩乃在桓王之後皇皇者華君

遭使臣之詩乃在四牡之後而豳風之破斧乃在東

山之後次序倒置若此知非刪詩時之原本矣按學

記大學始教皮弁祭菜示敬道也宵雅肄三官其始也註云當祭菜之時使歌小雅中鹿鳴四牡皇華之三篇而肄習之此三詩君臣燕樂相勞苦之辭蓋以居官受任之美訪諭其初志故曰官其始也據此則迂仲云皇華當在四牡之前其說非矣

## 常棣

序燕兄弟也

續序閼管蔡之失道故作常棣焉胡庭芳曰鹿鳴四牡皇華等篇辭多和平

惟常棣一篇辭多激切意若有所懲創則周公因管蔡之事而深痛之也

常棣之華鄂

音

不

音

韡

音

韡

凡

今

之

人

莫

如

兄弟

此也

棣也說文鄂作萼花苞也不鄭氏作柎音夫花蒂也左傳有華不注山湖州有餘不溪皆音夫韡韡鮮盛

之貌孔疏謂華以覆萼萼以承華喻兄弟相依之義  
然花萼相承萬卉皆然不獨棠棣陸羽明曰常棣江  
南呼為麥李一樹輒生二萼兩兩相麗如垂絲海棠  
故稱萼不辭釋以興兄弟同本之義凡今之人即下  
文朋友妻子此二句是全詩綱領此章發端姑言  
其兄弟之常而辭氣抑揚之間已有感歎不盡之意  
世人好以親為怨而樂從其疏故  
下每陳朋友之不足恃以告之

死喪之威兄弟孔懷

叶

原隰哀

音

矣兄弟求矣

賦也

章言兄

弟之道如此二章以下申明莫如兄弟之義原隰  
解見皇華哀聚也玩死喪下著一威字何等慘烈兄  
弟下著一懷字何等纏綿言死生可畏怖之事惟兄  
弟懷念之至何以見其孔懷也當彼以死喪之故不  
得保其常居而羣聚原野之時他人渙散  
不顧兄弟未有不相求者四句一串說下

春

即音零

在原兄弟急難

叶平聲

每有良朋況也永嘆

歎石

經作嘆

比而賦也此言兄弟之相得者

鄭箋脊

今雖渠水鳥也

而今在原失其常處則飛鳴而求其

類天性也

兄弟急難言相急于患難國語急病讓疾

戰國策公子高誼能急人之難

正同此同師曰勿況

是情況之况

朋之良者其情況不過永嘆而已

經脊令友弟注云脊令雀屬共母者飛鳴不相離故

取以喻兄弟集傳脊令飛

則鳴行則搖有急難之意

則鳴行則搖有急難之意

兄弟閱

音許

于牆外禦其務

叶

每有良朋烝也無戎

賦也

此言兄弟之不相得者

閱恨也務事也外禦其務

猶言以外禦為事不因小忿而敗親也

烝衆也戎謂

稱兵犯難烝也

無戎言朋友雖

衆莫肯出頭犯難挺身救我也

衆莫肯出頭犯難挺身救我也



喪亂既平既安且寧雖有兄弟不如友生

此言庸人之情周室既

安公之心亦可以釋然自寧矣乃回首兄弟之間辟者辟囚者囚生死升沉迥不相及曾不如一時友生戮力王室者得以同享富貴也飲恨滿懷聲淚俱咽

儻

賓屑切

爾邊豆飲酒之飲

於虞切

兄弟既具和樂且孺

此言

兄弟之樂儻陳也飲饜也毛傳不脫屣升堂謂之飲周語有王公立飲具俱也孺者一片天趣有如赤子彼以為不如友生者非也平安無事正宜聚樂

妻子好

去聲

合如鼓瑟琴兄弟既翕和樂且湛

叶持林切忽說到

妻孥正徹透人情處鄭箋王與族人燕則后與宗婦內宗之屬亦燕於房中翕合也湛樂之至也如鼓

瑟琴可為和樂矣。若兄弟既翕，則和樂而且湛。顏之推曰：兄弟之際，異於他人。望深則易怨，地親則易狎。譬猶居室有穴，則塞之有隙，則塗之方無頽毀之處。如鼠雀之不恤風雨，之不防壁壞楹摧，無可救矣。僕妄之為雀鼠妻子之為風雨，可不畏哉？入曰：兄弟者，分形連氣之人也。方其幼也，父母左提右挈，前襟後裾，食則同案，衣則傳服，學則連業，游則共方。雖有悖亂之人，不能不相愛也。及其壯也，各妻其妻，各子其子，雖有篤厚之人，不能不少衰也。娣姒之比，兄弟則疏薄矣。使疏薄之人，而節量親厚之人，其能講敦睦之事乎？

宜爾室家

叶姑

樂爾妻帑

音奴

是究是圖，亶其然乎。

帑子究

窮圖謀

亶，信也。言宜室家，樂妻帑，畢竟從友愛中來，或言之不信，再四思維，方覺吾言之有味。徐敞弦曰：善叙。

事者不過自安樂而患難自患難而死喪以為詳盡矣此詩却把死喪在前自此而患難而安樂事愈緩時愈暇而兄弟之情愈見其不可解則所謂莫如者瞭然睹矣非聖人其孰能之

# 伐木

## 序燕朋友故舊也

丘瓊山曰古者人君以嘉禮賓臣有四焉宗族兄弟也朋友故舊也

孤卿大夫士也公侯伯子男也其禮之行也有饗有食有燕其燕也有因祭而餼有因勞而勞有因閒暇而會所謂饗者烹大牢以飲賓几設而不倚爵盈而不飲以訓恭儉也食者是為饗禮之中舉樂以薦牲體焉燕則異于饗食之禮以示慈惠其樂無算取其離而已其爵無算取其醉而已至于中庸曰燕毛序齒坊記曰因其酒肉聚其宗族以教民睦是祭畢而餼四牡皇皇者華所歌是因勞而勞伐木之燕所謂

迨我暇飲此潯是固閒暇而會也記注云饗以  
嚴為主故曰訓恭儉燕以親為主故曰示慈惠

伐木丁

音爭

丁鳥鳴嚶

音嬰

嚶出自幽谷遷于喬木嚶其鳴

矣求其友聲相

去聲

彼鳥矣猶求友聲矧伊人矣不求友

生神之聽之終和且平

興也

此詩飲諸父諸舅兄弟而先之朋友蓋天子之友不越同

姓異姓也

丁丁伐木

聲嚶嚶

兩鳥相

應之聲幽深喬

高相視矧况也

伐木非一人之事

故借以起興

友誼

當伐木之時鳥且鳴且飛出谷遷喬而求其友可以

人而不如鳥乎

朋友之信可質神明遂援神而以和

平自誓和則不尚意氣平則不分富貴貧賤終則到底不變朋友之道盡于此四字中矣

蘇子由曰事

之甚小而須友者伐木也物之無知而不忘其羣者鳥也語曰良禽擇木良臣擇主主明則士附林茂則

待軒詩記

鳥歸故必出谷遷  
喬而後可以求友

伐木許

音虎

許釀

音暗

酒有與

音叔

上聲

既有肥

豸

音寧

直

以速

諸父寧適不來微我弗顧

音古

於

音鳥

粲洒埽陳饋八簋

音軌

已

有

既有肥

牡以速

諸舅寧適不來微我有

咎

音伐

上章

以

共

事為朋友之義故下章各言伐木以題之

許許衆人

共力之貌釀以筐

酒而去其糟也

字書

與音余

與香草釀酒者或以筐或以草與者釀酒之草也

者速召也天子謂同姓諸侯諸侯謂同姓大夫皆稱

父異姓則稱舅同姓大國則稱伯父同姓小邦則稱

叔父異姓大國則稱盛

黍稷之

罷

八則

筵

豆

倍之

天子

燕禮之數也。咎過也。寧適不來，微我弗顧。鄭箋謂寧召之適，有故而未來，無使言我不顧念也。若爾是世情塞責，語寧與微，乃速容時，引領屬望，意中付度之辭。鄧汝祖謂寧適有他故而未來乎？將無弗我顧，又得無我有咎而未來也？蓋望其來而慮其不來如此。物性志云：諸父用狩，諸舅用壯者，狩食禮義親而禮數壯，饗禮意重而禮厚。言各有當也。正義曰：此是燕禮非饗禮。饗烹太牢，此惟肥羜非饗禮明矣。

伐木于阪

音返

醕酒有衍

音演

籩豆有踐

在演切

兄弟無遠民

之失德，乾餱以愆。

在淺反

有酒湑

思呂反

我無酒酤

音沽

我坎

坎鼓我蹲

音逆

蹲舞我迨

我暇矣

飲此湑矣

丁丁許

丁伐木許

則自山而陸矣。阪解見幽風。伐柯乾餱，乾食也。餅餌之類。民酒多也。踐解見幽風。伐柯乾餱，乾食也。餅餌之類。民

間遇佳節用以餽親族戚里者以愆者因不相饋而致愆尤也以歡涕酒曰潑酤買也坎坎鼓聲蹲蹲舞貌迨及也人所以失兄弟朋友之義者非必有大故但以乾醢之薄不以分人而至於有愆耳故我于兄弟無令疎遠有酒則潑無酒則酤乘此閒暇且鼓且舞飲酒相樂不知其有他也兄弟無遠勸戒之辭世道涼薄恩義疏闊則燕飲聚會之事以漸而廢薛籍君曰鄉黨闕於嘉賓之歡九族忘其親親之恩飲食周急之厚彌衰送往勞來之禮不行人道不通則陰陽否隔和氣不興未必不由此也

# 天保

## 序下報上也

蘇子由曰人君以鹿鳴以下五詩宴羣臣天保者蓋以答是五詩于其宴也而

用之與史記武王克商憂天保之未定于是有營雄之意此詩疑作在東都既成之後晁氏曰昔夏

后初都陽城南踰洛陽百里而遠殷湯遷亳東踰洛陽五十里而近皆會洛陽而不都周興武王既定鼎郊鄆復使召公相宅洛邑周公營成周厥後王城藉平王之遠成周藉敬王之入郊鄆之鼎歷過其卜其猶天保之餘庇乎

天保定爾亦孔之固俾爾單

音亶又音丹

厚何福不除

直慮反

俾爾多益以莫不虞

商賁切以莢莢古文光字俗作庶非賦也保者把持愛護之意受

命於天故曰天保定者不移之謂爾指君固堅孔甚也亦孔之固猶云美哉山河之固俾使單盡也單厚謂事事從厚除者除舊生新今日之福已過明日之福又來應接不暇之意多益謂多行利益於民庶衆也謂民物蕃庶此頌天之安定我君使有以致此按前三章俱以天保定爾一句喚起言宅中國大事



非偶然皆天之所保天之所定也觀召誥天道從子  
保天迪格保洛誥公既定宅等語可見天道無親歸  
于有德首二章以規為頌  
全是在德不在險之意

天保定爾俾爾戩

音剪子  
淺反

穀

嘉穀之穀  
惡木之穀

以穀以木

罄

丘正

切

無不宜受天百祿降爾遐福維日不足

戩聲皆盡也  
戩善遐遠也

宜謂宜君宜王宜民宜人宜兄宜弟無所不宜所謂  
戩穀也維日不足謂億萬斯年不可限量所謂遐福  
也

天保定爾以莫不興

虛陵切

如山如阜

浮上聲六書正偽  
作阜从山而側之

象形如岡如陵如川之方至以莫不增

咨登切此承上  
文惟日不足之意

而申言之興起也盛也高平曰陸大陸曰阜大阜曰陵山脊曰岡川之方至水之寢長未可量也

吉蠲

音涓古玄反

為饔

音熾尺志反

是用孝享

虛良反

禴

音洽餘若反

祠

烝嘗

以甘尚聲

于公先王君曰卜爾萬壽無疆

居良反善蠲潔吉蠲

吉

如齋戒沐浴滌濯埽除之類黍稷曰饔單以饔言者祭莫重于黍稷春曰祠祠之為言食也夏曰禴夏祭以樂為主秋曰嘗嘗新穀也冬曰烝進品物也公先公祖紺以上至后稷也先王太王以下也文王時周未有曰先王者此詩非武王時作或周公所更定也君謂先公先王卜猶期也無疆謂無有邊際此章承上言非惟天福我君如此至于先王先公亦降之福鄒肇敏曰洛誥周公曰王肇稱殷禮祀于新邑咸秩無文此詩吉蠲孝享雖備舉四時之祭亦因祀新邑而述之也

神之弔

音的都歷反

矣詒

音移爾多福

叶筆反民之質矣日用飲

食羣黎

音離泰从勿

百姓徧為爾德

俗作惠非弔至也詒

遺也既言民又言羣黎百姓蓋推廣言之君而求  
福須自民始民以質樸為美李九我曰今人但肯  
耕食鑿飲朝饔夕飧更無他賜豈不是唐虞世界徧  
為爾德謂則而象之亦只是日用飲食而已日用飲  
食便是多福毛傳百姓百官族姓也張氏說云古  
者民無姓有姓者皆有土有爵者也黃帝之子二十  
五人得姓者十四而已其後居諸侯之國土者民以  
諸侯之姓為姓居大夫之采地者以大夫之姓為姓  
是為百姓潘子善曰四章以先王先公為言五章  
以羣黎百姓為言蓋謂人君之德必上無愧於祖考  
下無愧于斯民  
然後福祿悠遠

如月之恒

取立心从一日朱元晦曰

如日之升如南山之

壽不騫不崩如松柏

俗从木白聲

之茂無不爾或承

前章言其

福此章言其久

恒釋文作絰音弦也弦有上下此指

上弦以對如日之升是並進之義按釋文騫馬繫也

考工記小體騫腹是騫者收束之意蓋言瘦也故借

為虧損之義自唐以後為騰起之解非古也崩者從

上墜下也承者松栢枝葉茂盛青青相承無有衰落

也 鄒肇敏曰此詩六章既喻之山崇川至又喻之

月恒日升壽南山而茂松栢文意重

複太臣規遠圖而祝願深至如此

采薇

序遣戍役也

續序文王之時西有昆夷之患北有獫狁之難以天子之命命將率遣戍役以

守衛中國故歌采薇以遣之出車以勞還杜杜以効歸也孔仲達曰叙其中情告之使懷恩而怨寇也

彭氏執中曰止言戎役而不及將帥何也四郊多壘卿大夫之辱也士大夫以體國為心固有不得勉者至于小民之愚或以為上之苦我固不可無辭以遣也獫狁商為獯鬻漢為匈奴唐為突厥宋為契丹

采薇采薇薇亦作

則故反

止曰歸曰歸歲亦莫

武博反又音暮

止

靡室靡家玁狁之故不遑啓居玁狁之故

賦也玁狁見召南草蟲作

初生也曰歸曰歸心口自言之辭蓋還計其歸期也歲亦暮止懸擬歸時當在歲暮也兩言玁狁之故言

不得已而用兵非由上之毒民也啓居解見四牡

采薇采薇薇亦柔

从木牙聲俗从元非

止曰歸曰歸心亦憂止憂

心烈烈載飢載渴我戍

从人从戈

未定靡使歸聘

柔始長而柔也烈烈

內熱也定止聘問也內憂歸期之遠外為飢渴所苦其勞甚矣然戍事未已誰可歸問其室家乎

采薇采薇薇亦剛止曰歸曰歸歲亦陽止王事靡盬不

遑啓處憂心孔疚

音究叶訖力反

我行不來

於力反而剛也

薇芽子冬

未柔于春剛于夏自作而柔自柔而剛以見天時之變則陽乃建巳之月所謂正陽之月非十月之陽月

也疫病來來歸也我行不來承上言我此去殆不復歸矣室家之情軍國之事兩念俱難放下

魏仲初

曰我行不來非謂客死邊疆只是忠義激烈不與賊俱生所謂不斬樓蘭誓不還也真有矢心天地唾手

燕雲氣象

彼爾維何維常之華

芳無反

彼路斯何君子之車戎車既

駕四牡業業豈敢定居一月三捷

息斃反潛入聲爾說文作藹靡麗也常常棣

路戎車君子謂將率業業壯也捷勝也陸羽明曰豈敢定居內有工夫如坐則運籌行則決戰退則堅壁

進則攻取是也按戎車四句詩意謂戎車既駕矣四牡業業矣尚敢泰然安坐乎其急出師庶幾一月三捷以報王命耳蓋揣摩將率之意如此亦以勉之也毛傳三捷侵也伐也戰也左傳有鐘鼓曰伐無曰侵

皆陳曰戰

駕彼四牡四牡騤

音達

騤君子所依小人所腓

音肥

四牡翼

翼象弭

音米

魚服

叶蒲反

豈不日戒

叶訖反

玁狁孔棘

騤騤強而有節

也依依藉也腓足肚隨足而動故借為小人之喻言  
此四牡君子依之以禦備小人則隨之以為進退也  
腓本實字而虛用之隨動曰腓猶擔荷曰肩承當曰  
膺也翼翼行列整治之象弭弓反末也以象骨為之  
所以助御者解轡紒紒與結同服藏矢箠以魚皮為  
之陸元恪謂東海有魚似猪其皮堅固可為矢服棘  
急也亦兼盤錯之意車馬雖壯弓矢雖良要當以戒  
心為主故曰豈不日戒獫狁孔棘豈敢定居見君子  
不測之略豈不日戒見君子不懈  
之心雖咏戍情而將略亦自可見

昔我往矣楊柳依依今我來思雨

去聲余付切

雪霏霏行

道遲遲載渴載飢我心傷悲莫知我哀

於希切楊柳蒲柳也依依柔

弱貌霏霏甚也遲遲長也按楊柳依依春之中即首  
章所言采薇時也雨雪霏霏冬之末即首章所言歲



亦莫止也蓋轉盼之間今已成昔而往者又將歸矣  
時移物換之感飢渴勞苦之情皆曲體而預道之言  
莫知者乃所以深于知言傷悲者即所以為慰悅也  
君子能盡人之情故人忘其死孔氏曰此與出車五  
言獬豸一言兩戎故戎救成役以獬豸為主而略于  
西戎何黃如曰或者泥采薇出車篇中昔我往矣  
四語文氣相類則謂二詩同時之作不知薇作薇柔  
楊柳依依與黍稷方華迥不相及且一歸于雨雪冬  
春瞭然烏  
可混也

# 出車

## 序勞還率也

竹書帝乙三年王命南仲西拒昆夷城朔方即此事鄭箋遣將率及戍役同歌

同時欲其同心也反而勞之異歌異日殊尊卑也嚴  
坦叔曰采薇方遣行之時而預道其將來之勞苦見

深體之心也出車扶杜當還歸之後而追述其既往之勞告示不忘之意也帝乙名美紂之父

我出我車于彼牧

莫狄反

矣自天子所謂我來

六直反

矣召

彼僕夫謂之載

節力反

矣王事多難維其棘

去聲矣

賦也首二章勞

其歸因從出師時叙起郊外曰牧天子謂商王僕夫謂御車者徐儻曰左傳某人將上軍某人將下軍某人為右見古之御者實與將軍比肩此詩所謂僕夫者非與士卒為伍者也觀次章僕夫况瘁可見讀此章見其慷慨登車無徘徊顧盼之情謝君直曰首章有尊敬王命之禮有憂勤王事之心有整暇勇決之才有奔走犯難之忠觀後章城方之命則此行專以築城為事然必成師而出者蓋朔方為華夏要地恐獫狁挽我之築朔方不可得而城也

我出我車于彼郊矣設此旒

音兆

矣建彼旒

音毛

矣彼旒旒

斯胡不旒

旒石經作旒

音佩蒲昧反

旒憂心悄悄僕夫况瘁

以

醉反

牧內蓋前軍已至牧而後軍猶在郊也龜蛇曰旒鳥

阜曰旒旒干旒旒旒飛揚之貌建謂立之于車上况

滋也並也悄悄解見邨風柏舟瘁憔悴也旒旒旒旒

設旒矣胡為而不旒旒蓋憂念之深僕夫亦彌覺其

憔悴故旒旒亦若隨人意而不舒也總形容南仲臨

事戒懼之意劉公瑾曰都城外五十里為近郊百

里為遠郊此言遠郊也蘇子由曰君子勇於從事惟

恐旒旒之不旒旒惟恐僕夫之憔悴而不如其志也

胡不悄悄皆慕爾南仲意中之語

叶

旂旒央

於良切

於口之內大

央天子命我域彼朔方赫赫南仲獫狁于襄

方朔方即今寧夏衛

在固原西南五百餘里其東北為北翟西南為西戎城朔方所以斷戎狄往來之路彭彭壯盛也央央鮮明也赫赫威名顯盛也襄除也王命南仲往城于方師直為壯氣勢增倍車馬旂旄煥然生色乃稱王命以令于衆曰天子命我城彼朔方曰命我曰城彼見朔方之城非南仲不可南仲威名素著不假兵戈獫狁廓清此固大將之材亦緣將將者能用之也

昔我往矣黍稷方華

叶

今我來思雨

于付反

雪載塗

與同

王事多難

去聲

不遑啓居豈不懷歸畏此简书

方華方生華也塗凍釋也

此本其往時所見與今還時所遭以見在塗之久北寇既定西戎告急途間奉命移師西伐故曰王事多

難不遑啓居簡書戒命也古者無紙有事則書于竹  
簡采薇之所謂往遣戍時也此詩之所謂往在道時  
也采薇之所謂來戍畢時也  
此詩之所謂來歸而在道時也

嘒嘒

於遙反

草蟲趯趯

吐歷反

阜螽

音婦終

未見君子憂心忡忡

忡既見君子我心則降

叶

赫赫南仲薄伐西戎

草蟲等句解見

召南君子謂南仲也西戎之國闡南仲既征玁狁將  
伐西戎皆踴躍而望王師之至呂伯恭曰嘒嘒草蟲  
以下六句說者以草蟲之詩有之遂亦以為室家之  
詩觀其斷句曰赫赫南仲薄伐西戎其辭奮張非室  
家思望之辭如母逝我梁四句兩見于谷風小弁之  
詩其一夫婦也其一父子也豈可比而同之乎此  
詩我字不一首二章言我者文王之詞中二章言我  
者代為南仲之詞第五章言我者則代西方諸國受

我害者  
之詞

春日遲遲卉

許貴反

木萋

七西反

萋倉庚啾

居吳反

啾采繁祁

巨移反

祁執訊獲醜薄言還

音旋

歸赫赫南仲玃玃于夷

古卉

从三少今以三十代之花草總名也萋萋茂美也倉庚采繁解見召南幽風訊問也其魁首當訊問者醜衆也其徒黨來降者夷平也此迷其歸時日煖時和草木榮茂禽鳥和鳴于此之時執訊獲醜而歸豈不樂哉慰勞之情至此乃極酣暢訊城朔方則玃玃不得乘虛為害而西戎可伐伐西戎則剪玃玃之羽翼而玃玃可平獨言玃玃者以玃玃渠魁政以為始以為終

杕杜

序勞還

旋役也

嚴坦叔曰此詩四章皆不言戍役來歸之事惟述其室家思望之切如此

則今日之歸喜樂為何如所以慰勞之也 范氏曰出車勞師故美其功杜勞役故極其情

有杖

音第以大俗从犬非

之杜有皖

華板切

其實王事靡盬繼嗣我

日日月陽止女心傷止征夫遑止

實日為一韻陽傷遑為一韻賦也杖杜

解見唐風晚實貌杖杜猶得時蕃滋役夫勞苦不得遂其天性故感物而心傷也繼嗣我日言以日繼日無有息期也十月為陽剝盡而為復則一陽生也遑暇也暇則當歸矣

有杖之杜其葉

葉石經作葉

萋萋王事靡盬我心傷悲卉木

萋止女心悲止征夫歸止

萋悲歸為一韻萋萋新葉也杜實在秋冬之交而此又

妻妾然新葉之盛是踰年矣猶以王事之故而久役于外其思念之切當何如耶征夫歸止亦望之之辭也

陟彼北山言采其杞王事靡盬憂我父母

反 罪姥

檀車憚

音憚四牡瘡

音瘡

征夫不遠

韻 杞母為一韻憚瘡遠為一韻

杞非常菜也而升北

山采之蓋託有事以望君子我君子也父母君子之父母此望夫之詞而曰憂我父母蓋謂父母憂其子子當早歸也憚瘡瘡皆敝壞之貌車敝馬煩見時日之久征夫之歸期想亦不遠矣杜之有實秋冬之交也葉萋萋則二月矣杞即枸杞其實可食則八九月之際矣

匪載匪來

反 六直

憂心孔疚

訖 力切

期逝不至

反 朱力

而多為



恤卜筮偕

舉里反

止會言近

渠紀反

止征夫適止

來疾至恤為一韻偕

近通為一韻

匪載匪來冰上檀車四牡而言期者相約之歸期近往也期已過而猶不至但于來書中

多為存恤之語皆指征夫言禮小事卜筮不襲今日卜筮偕止以惺感不定故多方而謀諸神也會言近

止卜與筮俱言近也

古音畧例曰此詩四章章七

句首四句隔句韻尾三句連用韻末章四句一韻又

三句一韻此諸詩例既

已不同而體裁亦奇

南陔

該音

序孝子相戒以養也

說見華泰

白華之什

白華

序孝子之潔白也

華黍

序時和年豐也

箋謂南陔白華華黍三篇卿飲酒燕禮用焉曰笙人立於懸中奏南陔白

華華黍是也釋文曰孔子刪詩有三百一十一篇內遭戰國及秦而亡其六子夏序詩篇義合編故詩亡而義猶在也嚴坦叔曰董氏以為笙人者有聲而無詩非失亡之乃本亡也此說非是樂以人聲為主人聲即所歌之詩也若本無其詩則無由有其義矣序本因其詞以知其義後亡其詞則惟有其所言之義耳按南陔六篇序止存首句則其餘凡在首句下者為後人續筆無疑矣

魚麗

序美萬物盛多能備禮也

以罾施水中待魚自至而魚無所不有物之盛可知

魚麗

音離

于罾

音柳

鱮

音常

鯢

音何

君子有酒

音旨

且多

音罾

一韻

隔

藻多隔句一韻 賦也麗歷也爾雅娶婦之笱謂之罾以葦為薄置魚梁空處魚可入而不可出今南方以竹為之北方竹少故以葦鱮魚形厚而大有力解飛鱮魚體薄而小張口吹沙孔疏君子指武王旨美也物不足則不能備禮太平之時庶物蕃殖無求不得君子於是為禮以燕樂之其酒既旨且多蓋無所不備也 程泰之曰魚者天之所生酒者人之所造有魚有酒天人和合太平之象

魚麗于罾鱮鯢君子有酒多且旨

鯢音旨 隔句一韻 鱮魚也 解見周南汝

墳鯉魚脊中鱗一道自首至尾無論  
大小皆三十六鱗有赤黃白三種

魚麗于鰭

鰭聲烟上

鯉

豐从

君子有酒旨且有

羽已反鯉有  
隔句一韻

鰭似鮎今偃額白魚也鯉今之黑魚道家所謂厭者  
有用而愈有也物類之多者莫如魚北方魚為美  
故專以魚言然人鰭之魚其魚必小詩人言鰭鯉  
鰭鯉不過如潛頌言有鰭有鰭鰭鯉鯉多著魚  
名以見魚之甚多耳乃或侈言其體而以為長矩方  
圓或侈言其色而以為青黃赤黑或侈言其性情而  
以為浮沉偃仰非本旨也

物其多矣維其嘉

居何  
反矣

物其旨矣維其偕

舉里  
反矣

物其有矣維其時

上反

矣

此三章多與嘉音與偕有與

維其者推本之詞

與嘉音與偕有與

與上之言且不同嘉者情之好也惟情之好故其多可尚也偕者言非徒虛文有真意與之俱也時即李冬薦魚春獻鮓之類呂伯恭以時為國家閒暇內外無故之日

由庚

序萬物得由其道也

南有嘉魚

序樂與賢也

與賢謂情意浹洽與之相親而非勉強之謂

南有嘉魚烝然罩

竹卓反

罩君子有酒嘉賓式燕以樂

歷各

反賦而興也周都西北江漢之間魚之所產故曰  
南有嘉魚不專指丙穴然猶葺然也爾雅管謂之  
罩即今捕魚籠細竹為之罩而又罩與賢者隱伏  
于下必勤求而後得之也嘉賓新進之士式用燕飲  
也天下之有酒者多矣未必皆君子也既非君  
子賓雖嘉如何得樂丘氏曰君子成王也

南有嘉魚烝然汕

所諫反

汕君子有酒嘉賓式燕以衍

旦若

反爾雅罩謂之汕擦音料魚若以麻為之即今簪  
類上籠之曰罩下擦之曰汕先言罩復言汕見其求  
賢無方也衍樂也  
易曰飲食衍衍

南有樛木甘瓠

音護

累

力追反

之君子有酒嘉賓式燕綏之

興也樛木解見周南瓠有苦有甘甘瓠則可食者也  
累纏擾也樛木下垂以興君瓠之甘者以興賢士南

有膠木甘瓠累之言相與固結而不可解也綏安也禮貌衰則不能安賢者之心矣

翩翩者離

之誰反

然來

直六反

思君子有酒嘉賓式燕又

反

思

離解見四牡人君子賢始則多方勤求之繼則禮貌以延納之其後則賢者聞風自至矣又者

飲而又飲不厭其賁思語詞陳氏曰太平之時得賢未見有益于治失賢亦未必遂趨于亂是以賢者漸致疎遠不肖者漸致狎昵間有勉強與賢者燕樂亦不能久今也至誠與賢者共之非天資敦厚學與性成者不能如是也

崇丘

序萬物得極其高大也

# 南山有臺

序樂得賢也

得賢則能為邦家立  
太平之基矣故樂

南山有臺北山有萊樂只君子邦家之基樂只君子萬

壽無期

興也南山北山俱據周地而言君子謂賢也臺  
莎草以為蓂莢可以禦雨萊草名葉香可食基

牆始也基固則牆安得賢則邦家賴以鞏固  
期限也無期以時言謂其基之厚而綿長也

南山有桑北山有楊樂只君子邦家之光樂只君子萬

壽無疆

桑楊解見秦風車鄰光榮華也文章功業足以  
華國也疆疆界也無疆以地言謂其光之顯而

廣遠也按光本字从火在人上是文明上達之象又  
能紹前業曰光有君子以圖治則可光熙先烈矣



南山有杞北山有李樂只君子民之父母

反滿彼

樂只君

子德音不已

杞樹如檇理白而滑可以為函及板得賢則澤及於民親之如父母稱頌無窮也德

音稱頌也

南山有栲

音口

北山有杻

音糗

樂只君子遐不眉壽樂只君

子德音是茂

栲山栲也可為車輻杻槲也可為弓輪避何通秀眉壽徵也茂盛也

南山有枸

俱甫反

北山有桵

音庾

樂只君子遐不黃耆

果五反

樂只君子保艾

五蓋反

爾後

下五反鼠梓宮室之良材黃老人髮

白復黃也耆面色如凍梨也艾養也保艾爾後謂綏

及後世按易云天地變化草木蕃占國占家多即

草木而觀周之草木氣象若此則人君聲華福祿豈有窮乎多其名者喻賢者之多而有用也樂只君子  
娓娓呼之如赤子之戀慈母真有不啻口出之意  
曹氏曰凡此君子皆可用之材成王能得而用之兼  
收並蓄巨細不遺國家賴之基本堅固事業光華人  
民有所怙恃而名譽發越福祿無窮而有以燕及子  
子孫信可樂也朱鬱儀曰詩舉草木各有倫類臺  
也菜也附地者也故曰邦家之基桑也楊也菜之沃  
若者也故曰邦家之光杞也李也多子者也故曰民  
之父母栲栳也枸櫞也耐久者也故曰眉壽黃耆其  
取材相當非直叶韻而已劉公瑾曰或疑賓客不  
足以當萬壽之語不知古人簡質如士冠禮祝詞云  
眉壽萬年又觀古詔銘所謂用勦萬壽用勦眉壽皆  
自祝之詞則以萬壽祝賓庸何傷乎陳氏曰壽夭  
天也得賢何益於壽曰養德所以養身晝夜寒暑貴  
于節宣其氣勿贏其體苟不近賢者則非鬼非食惑

以喪志雖  
欲壽得乎

由儀

序萬物之生各得其宜也

蓼蕭

序澤及四海也

詩詠諸侯來朝燕飲頌禱而序謂澤及四海蓋推本之詞

蓼

音六

彼蕭斯零

音今

露漙

息呂反

兮既見

君子我心寫

想羽反

兮燕笑語兮是以有譽處

音杵兮

興也蓼長大貌蕭蒿也零落也漙漙上露貌以

蕭為興者蓋謂蒿艾之物亦蒙濡潤不以遠而見遺不以微而獲棄諸侯所以感天子之懷者亦如此寫

傾倒而無留藏也譽聲名處安樂也君子謂天子始  
疑其尊嚴若神一見而飲食而笑語毫無崖岸令人  
傾倒名譽之隆起居之安良不虛矣馬伏波見光武  
時意象猶此輔漢卿曰上之於下也有所疑而不  
敢盡下之於上也有所畏而不敢言禍端亂萌皆由  
於此蕭可升矣上達神明象諸侯上交無匿誠也

蓼彼蕭斯零露漙漙

音稼如羊反

既見君子為龍為光其德

不爽

師莊反

壽考不忘

漙漙露著貌爽差也為龍能膏澤下土為光能照臨天下蔡子木曰

為龍為光用之有變化其德不爽存之無改移考老也人老則多所遺忘不忘言老而精神彌固也

蓼彼蕭斯零露泥泥

叶

既見君子孔燕

音愷

弟

宜弟令德壽豈

去禮反

泥泥沾濡貌孔甚燕安豈樂弟易言無倨傲之態也如此之人為兄

亦宜為弟亦宜令善之  
德壽而且樂更復何疑

蓼彼蕭斯零露濃濃

奴全女  
龍二反

既見君子條

音條徒  
彫切

革沖

沖

音和鸞雍雍

雖雖石經  
作雍雍

萬福攸同

末章言君子德容  
盡善盡美即車馬

之間無非有道氣象  
革轡首也馬轡所把之外有餘而垂者也  
沖沖垂貌  
和鸞本鳥名雌曰和雄曰鸞借為車鈴之名以金為  
之在轅曰和在衡曰鸞馬動則鸞鳴鸞鳴則和應舒  
則不鳴疾則失音雖雖不疾不徐而和也上下相遇  
以德而成以禮車馬之間無非太和氣象萬福攸同  
所自來矣集傳同聚也  
許氏曰天子至尊無二而  
視其臣非有大相遠絕之勢所以三公坐而論道更  
相可否堯度之都俞虞度之賡歌君臣之間雍雍肅  
肅三代聖君莫不由是道也天下安得不比屋可封

哉自秦始皇尚氣勢而不知德義君之與臣懸絕如  
天地上下睽隔而亂臣賊子奸名犯分者愈衆矣

湛露

序天子燕諸侯也

左傳甯武子曰諸侯朝正於王王宴樂之於是賦湛露

湛

互減反

湛露斯匪陽不晞

音希厭

音淹於鹽切

厭夜飲不醉無

歸

興也因夜飲故以露起興湛湛露盛貌陽日晞乾也厭厭浸漬厭飲之意燕當以晝而言夜飲者燕有

設燭之禮所以申燕私之思盡殷勤之意又燕禮無算爵無算樂君曰無不醉賓及卿大夫皆對曰諾不

敢不醉

湛湛露斯在彼豐草厭厭夜飲在宗載考

豐茂也夜飲必于宗室宗

室路寢也草豐則得露多燕于寢室則身心恬適無  
朝廟威嚴按字書載者終而復始之義唐風子有鐘  
鼓弗鼓弗考毛傳考擊也有燕則有樂在宗室  
之中再作樂而燕也舊以考成為說殆覺勉強

湛湛露斯在彼杞棘顯允君子

叶慈

莫不令德

此章隔句韻斯子為

一韻棘德為一韻杞棘解已見杞棘得露雖厚而不低垂與君子飲酒雖多而不亂顯者明白正大允

者忠信誠懇

其桐其椅

音弱

其實離離豈弟君子

叶慈

莫不令儀

此章椅離子儀

四句為一韻椅桐解見衛風杞棘堅心與令德之  
在內桐椅美實與令儀之在外令德令儀皆飲酒溫  
克之象曾子固曰顯允豈弟四字不是泛然名號  
大抵明盛之朝其人品多光明俊偉渾厚慈祥即迴

翔構俎間而一世淳龐氣象宛然可想前二章以君之勸飲者言欲其盡歡無君臣之形迹後二章以臣之承恩者言喜其盡敬不以醉而昏亂也蘇子由曰露之在草也如將不勝其在木也則能任之矣將言其無不醉也故以豐草興之將言其醉而能不亂也故以杞棘言之桐椅之有實豈弟之有令儀所謂有諸內形諸外也

## 彤弓之什

### 彤弓

序天子錫有功諸侯也

左傳甯武子曰諸侯敵王所懷而獻其功於是賜之彤弓

一彤夫百旅弓矢十以覺報宴



彤

音同  
从丹

弓 彤

尺昭  
反

兮 受言藏

去聲才  
浪切

之 我有嘉賓中心

貺

虛王  
切

之 鍾

鍾石經  
作鍾

鼓既設一朝饗

虛良  
切

之

賦也形朱  
色周所尚

也朱漆其弓以禦霜露昭弛貌賜弓不張故弛弦而體反也言語詞藏蓄也受言藏之者工成獻王王受而藏之以待賜也賜也鍾鼓大樂也烹太牢而大飲賓曰饗賜弓而行饗禮謂其典禮之盛一朝猶早朝也受言藏之不敢輕與言其重也中心貺之非由勉強言其誠也一朝饗之無遲留顧惜之意言其也速

彤 弓 彤 兮 受言載

子利  
反

之 我有嘉賓中心喜

音戲許意  
切从豈俗

从弄非嘉  
字做此

之 鍾鼓既設一朝右

叶異于  
記切

之

載囊皆藏弓  
之事載抗之

也載彤弓于弓櫜抗之使體正言其藏之謹也右之  
毛氏曰勸也王氏曰尊而右之也古人以右為尊

彤弓弘兮受言橐

音高叶古號切

之我有嘉賓中心好

呼報切之

鍾鼓既設一朝醕

與酬同叶大到反

之

橐韜也入之囊中使色鮮也醕報功也呂伯

恭曰天子賜有功諸侯必曰中心貺之喜之好之者  
言是賜也非以為儀也由于吾情而非勉強也饗之  
右之酬之者言功之大者情必厚情之厚者賜必多  
賜之多者儀必盛所謂本末情文無所不稱者也曹  
豐陵曰守之者不重則得之者亦輕予之而不誠則  
感之也亦淺畀之而不速則其視之也亦玩王者賞  
功大典當以彤弓為法李氏曰周室東遷之後賞  
罰無章然彤弓之賜止及晉文公文侯二人則周之  
盛時可知矣

菁莪

序樂育材也

竹書帝辛三十七年周作辟廱是詩正文王初立辟廱之時蓋入學鼓篋者所

作而非園橋觀聽之人也陳氏曰小雅二十二詩皆因其事而歌之也此詩則宜何歌其天子行禮於學燕飲而歌之歟

菁

音精子  
丁反

菁者莪

五何反

在彼中阿既見君子樂且有儀

牛何反興也菁菁盛貌我蘿蒿莖可生食中阿阿中也大陵曰阿莪蒿微物托根得所則枝葉繁茂君子長育人材若大陵之長育微草君子文王也樂樂易也樂易之人舉動真率未免脫略於威儀今既樂易矣且猶周旋中禮而有儀也據草木疏謂莪蒿生下澤漸洳之處則與大阜不相宜矣而云得所何也

菁菁者莪在彼中沚

音止

既見君子我心則喜

小渚曰沚喜者喜育

材之有地喜已材之得成

菁菁者莪在彼中陵

叶良切

既見君子錫我百朋

音蓬大阜曰

陵丘後高也錫賜也古者以貝為貨五貝五種貝也漢食貨志大貝牡貝小貝不成貝為五也五貝為朋五貝各以種類為朋非總五貝為一朋也錫我百朋蓋聞其教戒之語感激如獲異寶也

汎汎楊舟載沈載浮既見君子我心則休

興而此也汎汎飄泊無依

之象楊舟楊木為舟載則也休安處也學者不得聖賢為之歸依如楊舟之浮沈不定今見君子身心安泰更無岐路之感首章曰樂且有儀次章則曰我心則喜三章曰錫我百朋四章則曰我心則休各自

永相

六月

序宣王北伐也

此與南征諸詩皆在朝君子紀此以美之非勞還之詩也竹書宣王五年

夏六月尹吉甫帥師伐獫狁至于太原漢書周懿王時戎狄交侵懿王會孫宣王興師命將以征伐之詩人美大其功即此詩也按此詩毛以為親征鄭以為命帥如謂親征當別有揚厲宣王之語詩中止言吉甫宜以鄭說為正彼時厲王流彘之後國勢衰弱獫狁乘亂長驅蔑視中國不大懲創無以戒其狂心吉甫太原之追猶衛霍犂庭掃穴之事宣王名靖厲王子

六月棲棲

音西

戎車既飭

音救

四牡騤騤

求龜反

載是常服

蒲北

切  
玃狁孔熾

尺志反

我是用急王于出征以匡王國

賦也首三

章言命將出師之事蓋作於成功之後而述其受命之始也

六月建未之月棲棲猶皇皇也戎車兵車

飭整也駉駉馬強而有節也常天子旗名毛傳云日

月為常畫日月於其端取其常明之義周禮大師則

建大常凡軍衆誅後至者服韋弁服從軍之服也尚

未戰故載之于車也熾威于曰匡正也王國謂京師

咸夏不興師今乃六月出師者以玃狁之勢甚盛

備之不敢稍緩故耳蓋王國為文武之故業天下之

根本玃狁內侵逼近京邑王室不匡甚矣於是

命將出征所以正中外之大分樹內外之大防

比

毗志反

物四驪閑之維則維此六月既成我服

蒲北反

我

服既成于卅

三十石

經作卅

里王于出征以佐天子

獎里切

比齊同也

物謂馬夏官校人凡軍事物馬而頒之注云物馬齊其力比物者戎事尚強比其同力之物也驪純黑色則法也既齊其物而復曰四驪則其色又齊可以見馬之有餘矣閑習之而皆中法則可以見教之有素矣既成戎服承上而言服服馬也用兵以馬為主車中之馬以服為主服既成更有何事即日遂行不疾不徐盡舍而止又可見其應變之速從事之敏而不失其常度玩兩言王于出征吉甫奉冰王命時刻在念故諄諄稱述之也軍法師行日三十里為限攷陝西志涇陽南至咸陽僅三十八里則所云于三十里者乃直至所侵之地矣

四牡修廣其大有顙

王容切

薄伐玁狁以奏膚公有嚴有

翼共武之服

蒲北反

共武之服以定王國

修言其身之長廣言其腹背之

充實顯大貌說文謂頭大非也總承修廣而形容之  
蓋昂藏出衆之象奏薦庸大公功也嚴威嚴也翼恭  
敬也共供服事定安也兵事莫高于嚴莫先于敬言  
非直車馬之強又有威嚴之將恭敬之臣具嚴者威  
足厲衆敬者撫和人民有臣如此以供兵事自能克  
勝安定國家也謝良佐曰征伐不嚴則軍心不齊  
為帥不敬則軍事不整故曰有嚴有翼或曰服即戎  
服古之君子服是服即思恪共是事故曰共武之服  
唐士雅曰首章言我是用急而次章言應敵從容  
則急中自暇次章言不失常度而此章言嚴翼共武  
則寬中有嚴此皆相形  
以見言甫行師之妙

獬狁匪茹

音孺

整居焦獲

音獲

侵鎬及方至于涇陽織

音志文

烏章白旆央央元戎十乘

去聲

以先啓行

音杭

抗之罪

此數獬狁以致討



欽定四庫全書

卷四

茹度也整居言圖聚也牧無忌憚之甚也爾雅十藪  
周有焦獲今陝西西安府三原縣有焦吳里蓋即焦  
獲之地郭景純曰扶風池陽郿中是也鎬北方之地  
非豐鄠之鄠方今太原府陽曲縣有方山彼時太原  
為獫狁故地曰侵鎬及方則方非太原之方山矣若  
云朔方則與鎬不相涉闕疑可也涇陽地在涇水之  
陽屬陝西西安府去周都不過三十里自周穆王遷  
戎于太原太原與鎬接壤獫狁將內犯京畿見焦獲  
美水草遂為久駐之計因而侵鎬迨邇抄掠至于涇  
陽蓋畿內皆獫狁馬跡所及矣織幟也鳥隼也飛最  
急疾織文鳥章謂織之文畫鳥隼于章以取其疾也  
旂乃大將之旗軍前司命周尚赤白乃周之所勝不  
知何以用白曹氏曰白帛也白旂謂以絳帛為旂央  
央鮮明也大將曰元帥所統之軍曰元戎毛傳云夏  
后氏曰鉤車先正也殷曰寅車先疾也周曰元戎先  
良也軍前曰啓軍後曰殿元戎十乘以先啓行者此

選鋒也韓詩章句所云車綬音設輪馬被甲衡軛之上盡具劍戟名曰陷陳之車所以衝鋒挑戰先啓敵

家之行伍也

戎車既安

叶於連切

如輕

音致

如軒四牡既佶既佶且閑

胡田切

薄伐玁狁至于太原文武吉甫萬邦為憲

音軒克敵之事

此言

輕車之覆而前也軒車之却而後也從後視之如輕從前視之如軒是通調也佶壯健也閑調習也以先啓行何等迅捷如輕如軒何等安閑閑之維則是以人範馬既佶且閑是馬習於法太原禹貢既修太原是也穀梁傳中國曰太原外裔曰大國即今山西太原府陽曲縣穆王西征夫戎遷我於太原太原遂為戎狄之居曰至于太原蓋直抵其巢穴矣吉甫時為大將克敵之功皆其功故美之曰文武吉甫蓋非文無

以附衆非武無以勝敵也伐一獫狁諸侯懾服故謂萬邦為憲憲法也 范氏曰凡兵之動莫善於馬之良故一二三五諸章皆盛稱其馬 汾州有吉甫墓記即其邑

吉甫燕喜既多受祉來歸自鎬我行永久

叶舉里切

飲御諸

友魚鼈膾鯉侯誰在矣張仲孝友

叶羽已切

此凱旋之事 燕燕飲也祉福

御進也魚火熟之也膾細切之也侯維也張仲吉甫之友燕喜二句足親故先燕吉甫來歸四句足吉甫燕以相報前曰至于太原此曰來歸自鎬吉甫既至太原復往鎬慰勞其民也我行永久吉甫自言其曠別故燕以相樂也天子之燕不過牢牲而已魚鼈膾鯉非禮所載知其為私燕也王介甫曰吉甫為將於外而內無孝友之臣左右匡輔則傷功害能之人多方阻撓吉甫身且不保何暇議戰勝哉詩人以張仲

孝友為嚴大有深意 鄒肇敏曰此宣王中興第一舉而不與江漢常武並列大雅者彼告廟策勲此燕賓叙款彼歸功於天子此歸美於人臣詞氣固不侔也 王伯厚曰後漢書西域傳穆王西征犬戎遷戎於太原夷王荒服不朝乃命虢公率六師伐太原之戎至於俞泉宣王遣兵伐太原戎不允蓋自穆王遷戎於太原而太原為戎狄之居宣王僅能驅之出境而已其後料民太原而戎患益深驪山之禍已兆於此其端自穆王遷戎始西周之亡猶西晉也書此以補詩說之遺

## 采芑

### 序宣王南征也

竹書宣王五年秋八月方叔帥師伐荆蓋繼六月而出師也按此厲王流

殛之後宣王起于逋竄南北交侵數月之間兩地征伐不以為勞車馬卒伍若取諸寄六月之詩尚覺戒

嚴至于采芑但咏其車徒之閑習軍法之整肅佩服之雍容鼓聲之嚴靜並不鋪張如何用兵如何捷伐蓋獯狁強蠻荆弱乘戰勝之餘大張威武氣勢所及望風迎附深有得于用兵之畧詩人不徒言荆蠻來威而推本于征伐獯狁得其要矣

薄言采芑

起音

于彼新田于此畱

側其反

畝

滿被反

方叔泣止

其車三千師干之試

詩止切

方叔率止乘其四騏四騏翼

翼路車有奭

奭石經作與許力反

簟

恬上聲

第

弗音

魚服

蒲北切

鈞膺隆

革

賦也薄言發語詞采取也芑嘉穀三歲曰新田謂已成田而尚新也畱災殺其草木也方叔宣王御士受

命為將者蒞臨也兵車一乘甲士三人步卒七十二人其車三千則為甲士九千步卒二十一萬六千此

詩人盛稱之耳非實有此數也師干猶今云兵甲試  
肄習也此言方叔之師從來肄習非至此而後試也  
率統率此車卒而行也翼翼整肅貌路車金路也與  
赤貌革茀解見齊風載驅魚服解見采芣句以金為  
之馬額之飾膺樊音鞶纓馬膺之飾幃革解見蓼蕭  
宣王中興田野墾闢于彼于此餘糧栖畝王師所過  
無蹂踐侵擾之苦故首叙其事有兵行過野耕不止  
耘不變氣象滋止乃布其行陳故止曰其車三千率  
止則作而用之故言其  
車馬之盛服飾之美

薄言采芑于彼新田于此中鄉方叔涖止其車三千旂

旒

兆音

央央方叔率止約軼

和音

錯衡

戶反

八鸞

旂旂

音

旂旂

服

其命服朱芾

弗音

斯皇有瑳葱珩

戶即切

在交龍為旂龜蛇為旒

中鄉民居所

旒

旒

旒

軾長轂也約謂以皮纏之而加以朱漆也衡車前橫木錯者雜用文采于其上也鈴在鑣曰驚馬口兩旁各一四馬故八也瑒瑒聲也命服命為將而受服于天子見付托之重服其命服所以示衆也朱芾黃朱芾也天子純朱諸侯黃朱皇猶煌煌也珩珩首橫玉蔥珩珩之色如蔥瑒聲也按芾佩非戎服象路非戎車和鸞非戎馬此章獨言之者蓋方叔克壯其猶貴謀賤戰如武侯羽扇綸巾羊叔子輕裘緩帶自能制勝故詩人但咏其車服之美如此劉氏曰或曰吳起可謂知將矣與士卒最下者同其甘苦曰是何足以言知將視民如子者民事之如父母視民如弟者民視之如兄豈待均其甘苦然後為用哉故用民者矯之以身徇之以愛濟之以術冀一時之勝而已惡可久也詩曰服其命服朱芾斯皇八鸞瑒瑒謂上不失其道下不失其節也

馱

音聿

彼飛隼

音笋

其飛戾

从犬不  
从大

天亦集爰止方叔涖止

其車三千師干之試方叔率止鉦

音征

人伐鼓陳師鞠

音蒨

旅顯允方叔伐鼓淵淵振旅闐闐

音田

貌隼鵠也戾至也隼

之飛迅疾矣然亦集于其所止飛而不止非鳥也動而不靜非兵也故下即言振旅或云隼之擊物遇懷胎者不戕兵之以義動以仁戢亦猶是也重言師干之試者見兵甲如此練習而方叔終無好戰之意前二章之率上率之而往此章之率止率之而歸也鉦形似小鐘凡兵進退皆以鼓動以鉦止伐擊也陳謂陳之成列鞠謂告之曲盡自其聚集而言則曰師自其部分而言則曰旅顯者號令昭明允者賞罰必信欲鞠旅必先陳師故伐鼓以集之師既集則止鼓以聽誓出為治兵入為振旅振止也收也淵淵鼓聲之



嚴靜閒閑歸師之安集此章以隼之迅捷如此而亦集所止喻將之勇士之衆而方叔進退得宜趨舍有節不至剛而無禮也方叔南征先治其兵兵衆且治蠻夷自服故詩人詳其治兵而畧其出兵

蠢

尺允切

爾蠻荆大邦為讐

除留切

方叔元老克壯其猶方

叔率止執訊獲醜

尺由反

戎車嘽嘽

音難

嘽嘽嘽嘽

音推

嘽嘽如霆

如雷顯允方叔征伐獫狁蠻荆來威

蠢無知貌蠻族不一荆為最大故曰

蠻荆此二句言成功因邇致伐之由元老猶易之稱丈人稱長子克壯非取其老而勇決詩人之意正謂少年之人往往以勇力求勝方叔老成故以謀為壯不以力為壯也猶謀也執訊獲醜解見出車嘽嘽嘽嘽皆卓聲震乃雷之迅疾者如霆如雷言却敵師還而不困憊也方叔與吉甫同征獫狁威名已著是以

蠻荆望風畏服嚴垣叔曰六月之詩事勢急迫采  
芑之詩詞氣雍容蓋北伐則四裔交侵初用兵也南  
征則北方已服中國粗定方叔東北伐之威以臨蠻  
荆也下篇車攻則中興之功成矣屠氏本峻曰采  
芑四章每體裁不同亦詩例之奇者特於篇末表而  
出之以資解頤其首章第一句芑與第三句畝第四  
句止第六句試第七句止一韻第九句翼第十句爽  
十一句服十二句革一韻蓋上每隔一句連用兩句  
為韻而下四句連用韻總之為兩轉換韻次章第三  
句鄉第六句央第八句衡第九句愴十一句皇十二  
句珩一韻蓋上每隔二句為韻又每隔一句連用兩  
句為韻總之一韻三章第三句止第四句止第六句  
試第七句止一韻第八句鼓第九句旅一韻十一句  
淵十二句闐一韻蓋隔兩句連用兩句又隔一句連  
用兩句為韻以下別連用兩句又隔一句連用兩句  
為韻總之三轉韻末章第二句離第四句猶第六句

醜一韻第八句燁第九句雷十二句歲一韻蓋上每隔一句用韻以下隔一句連用兩句再隔兩句用一句為韻總之兩轉韻此皆揣摩之而見其用韻之變幻若此

# 車攻

序宣王復古也

竹書宣王九年會諸侯於東都遂狩於甫即此詩事也巡狩而肆覲非獨

文武之制其所從來遠矣故序曰復古

我車既攻我馬既同四牡龐龐

鹿同扶公二反

駕言徂東

賦也此言

備車馬以如東都也

我謂宣王攻堅同齊也田獵尚

疾故齊足龐龐力之厚實也既攻既同泛言其軍實

之盛四牡龐龐則自君子所乘者言之軍政修治於閒暇之時而四牡充實於臨行之日則可以駕言徂

東矣 兩既字見宣王中興百度維新  
田賦復而馬政修非復昔日之凋敝也

田車既好四牡孔阜東有甫草駕言行狩

好與草隔句一韻阜與狩

隔句一韻 此章言其事 甫草甫田之草爾雅作  
園田乃十藪之一東西五十里南北二十六里今隸  
河南開封府中牟縣狩者冬獵之名下言于苗則是  
夏獵而此云行狩者孔氏謂凡田之禮惟狩最備故  
以為獵之總名毛傳田者大芟草以為防褐經苑以為  
門裘纒質以為柶間容握驅而入擊則不得入左者  
之左右者之右然後焚而射焉天子發然後諸侯發  
諸侯發然後大夫士發天子發抗大綏諸侯發抗小  
綏獻禽于其下故戰不出頃田  
不出防不逐奔走古之道也

之子于苗

从田 由非

選徒跣跣

五刀切 頁从貢非

建旄設旆搏獸

于教

此章言其地之子有司也選徒即周禮撰車徒牌號名讀書契之事蹢蹢人衆聲蹢也建立也旄

解見出車旄解見鄒風千旄旄者郊野縣鄙所建旄旄于車而設牛尾于旄之首因乘此車往教搏取禽獸也教教山下地名秦于此築教倉在甫田之西畧春秋晉師救鄭在教鄙之間士季設七覆于教前則教山之下平曠可以屯兵翳蒼可以設伏所謂東有甫草即此地也徒衆搏獸在天子諸侯大夫既射之後王制所謂佐車止則百姓田獵是也此章特因地以言其事耳宣王之往東都以會諸侯為主因之以講田獵而二章三章先言田獵者蓋有司先為戒具以待會同畢而田獵也

駕彼四牡四牡奕奕赤芾金舄會同有繹

音亦此言會諸侯彼

指諸侯也奕奕閑習也赤芾解見曹風侯人金舄黃朱色加金為飾屨之最上者時見音現下同曰會殷

見曰同時見無常期殷衆也十二歲王不巡狩則六服盡朝當時不是會同燕舉詩人只以會同二字作來朝之道稱猶春蒐冬狩而四時之田通稱蒐狩秋嘗冬烝而四時之祭通稱烝嘗如篇中云于苗豈必實是仲夏又云行狩豈又實是仲冬也釋聯絡不絕也

浹

从水从交俗作火非

拾既伙

音

弓矢既調

叶

射夫既同助我舉

柴

音志伙與柴一韻調與同一韻除地之事浹以象骨為之著于右手大指所以鉤

此言田獵時庀器

弦閒體拾以韋為之著于左臂所以遂弦放矢以手指相次比也調謂弓強弱與矢輕重相得射夫謂諸便同會聚而共事也柴小木散材師行野次暨散木為區落名曰柴籬凡獵擇草野大地為場週迴艾草積以為防驅禽納防內就中射之助我舉柴正指艾草為防之事諸侯大夫無自舉柴之禮蓋命其

部衆舉  
之耳

四黃既駕兩驂不猗

叶於寄終  
箇二反

不失其馳舍矢如破

叶彼

寄普過二反補協又曰不必改音照上沒拾四句例  
駕破為一韻猗馳為一韻亦得此言田獵之事專

主宣王言周馬貴黃明堂位曰周人黃馬蕃鬣前

曰四牡則既言力之強此曰四黃則又言色之純猗

倚也兩驂不猗言御之能正其馬也獨言兩驂者以

驂在服外易于出入也不失其馳言車行節而法也

舍矢如破言矢行巧而力也或謂天子之

馬常則駕四威則駕六以四黃兩驂為駕六

蕭蕭馬鳴悠悠旆旆

旆石經  
作旆

旌徒御不驚大庖不盈

末二  
章皆

贊美之詞蕭蕭悠悠皆閒暇之貌徒步卒御車御

徒御不驚號令有素分禽之時大獸公之小獸私之

何驚之有大庖君之庖也不盈用之有度無貪心也  
凡田獵有上殺中殺下殺每殺止取其十所餘悉以  
頒賜愛物之仁處已之約待人之周皆於此見之上  
殺中心死疾肉鮮美以供祭祀中殺遠心死稍遲肉  
微惡以享賓客下殺中脅死最遲肉惡以充君庖  
何黃如曰節惟旄有之與第三章建旄相應以地在  
郊野故自始事至終事皆建此旄也旄即虞旌虞有  
山澤之異周禮山虞以旗澤虞以旌凡田事畢則植  
之以屬禽而珎焉屬禽謂致田獵所獲之禽珎者取  
禽左耳以獻功也國田係澤當植旌此詩以旌言與  
周禮合先既設旌後復設旌正  
比禽之時而獵事亦將畢矣

之子于征有聞

音問

無聲允矣君子辰也大成

之子謂有司征謂從

王往狩也有聞謂但聞其田獵無聲謂無諠譁之聲  
允信也辰誠也君子指宣王大成功業盛大無遺憾



也會同田獵之事師徒衆盛由鎬至洛道路悠長縱  
使紀律嚴明未免紛擾詩曰有聞無聲殆君子神化  
所至王介甫曰天下雖安忘戰必危故周公  
于成王康王之初皆以詰爾戎兵張皇六師為言正  
恐守文之主溺於宴安忽忘武備馴至陵夷以階禍  
亂耳況周家以仁厚立國其勢頗弱穆王幾致餘方  
之亂昭王南征不復至於厲王遂死于亂雖諸王君  
人之道有所未盡而兵威不振無以懾服人心亦可  
見矣宣王丁積衰之後乃能蒐乘講武蓄威昭德以  
成中興之美以復祖宗之舊深合二公詰兵之意故  
詩人深喜  
而樂道之

吉日

序美宣王田也

五子之歌禽荒是戍伊訓無逸並斥  
游田此詩獨美之者以蒐狩之法原

與軍政相表裏愚者自流失焉  
宣王能得其道以復王業也

吉日維戊

莫吼切

既伯既禱

丁口切

田車既好

許口切

四牡孔

阜

房岳切下同

升彼大阜從其羣醜

賦也此言車馬之良可

以從禽也祭為吉禮

祭之日為吉日曲禮外事以剛日田獵外事也故以  
戊日祭而以庚日獵戊當為戊辰辰伯馬祖也馬無祖  
以始養馬者為祖在天則天駟房星之辰也馬祖之  
祭在春將田獵則又以禮祭之禱謂因祭而祈禱之  
為馬禱無疾為田禱獲禽也田車田獵之車醜衆也  
孔疏謂田獵當用馬力故先為之禱祖既禱而車牢  
馬健故得歷險從禽釋名戊  
茂也物皆茂盛故以是日禱

吉日庚午既差

初皆切

我馬

滿補切

獸之所同鹿

音

麋

音語

麋漆

音七从黍俗从黍非

沮

七徐反

之從天子之所

此言田獵之地差擇也田獵

齊足同聚也鹿北曰麋麋衆多也漆沮二水會于同州至朝邑而入渭在涇水之東乃漢馮翼之漆沮是獸之所同天子出獵之所故驅禽從之也說文庚位西方象秋時萬物有實也孔氏曰擇馬用午日蓋終辰午為馬故也

瞻彼中原其祁孔有

羽已切

儻儻

音標

俟俟

于紀切

或羣或友

羽已切

悉率左右

羽已切

以燕天子

獎里切

此言禽獸之多中原謂平曠之地

漆沮之中原也祁大也趨則儻儻行則俟俟謂緩行若期待也獸三為羣二為友左右同事之人言中原其祁而土廣孔有而獸多或行而若趨若待或聚而為羣為友獸多如此左右相率驅禽以燕樂天子也

既張我弓既挾我矢發彼小豮

巴音殪意

此大兕

似音

以御

賓客且以酌醴

从酉豐聲豐即古禮字

此事竣而飲

而引之也豕牝曰豮兕野牛一角其重千觔發發矢也一矢而死曰殪小者射中必死若不能中大者射則易中唯不能即死小豮言發大兕言殪言中微而制大也御進也賓客諸侯也醴甜酒初成而汁滓相將者也呂伯恭曰車攻吉日皆以蒐狩為言蓋蒐狩之禮可以見王賦之復焉可以見軍實之盛焉可以見師律之嚴焉可以見上下之情焉可以見綜理之周焉欲明文武之功業者觀諸此足矣沈仲容曰選徒舉柴之類言於車攻伯禱差馬之類言於吉日蓋彼此互見而詞簡意足此雅所以為雅也漢時獵賦若子虛上林等作逞怪夸靡俯張耳目可為雅亡一歎云

鴻鴈

序美宣王也

王者以民為本厲王之後萬民離散宣王使臣招集安定此中興第一規模故

詩人美之而作美使臣所以美宣王也

鴻鴈于飛肅肅其羽之子于征劬勞于野

上與切

爰及矜

棘呈切

人哀此鰥

从水俗从水誤

寡

果五切者曰鴈

鴻

鴈春去秋來流民比也

大者曰鴻小

轉徙之象肅肅其羽樂府所云毛羽何摧頽也之子謂使臣征往也劬勞謂勞來安集之勤爰及者不遺之詞矜人可憐之人謂鰥寡也老而無妻曰鰥偏喪曰寡既不遺于矜人而于鰥寡尤加憐恤此正其劬勞之處愁悵不寐曰鰥老而無妻者恒不寐故曰鰥其字从魚魚目不閉者也

鴻鴈于飛集于中澤

徒各切

之子于垣

音袁

百堵

丁古反

皆作

雖則劬勞其究安宅

徙各反中澤得遂其性此流民歸家之象

垣牆也一丈為板五板為堵一丈言其長五板言其高皆作同時而作也之子于垣使臣觀自經營故百

堵皆作有不日成之之象雖則劬勞其究安宅非徒慰勞流民亦自幸之辭

鴻鴈于飛哀鳴磬

音教五刀反

磬維此哲人謂我劬勞維彼

愚人謂我宣驕

磬磬衆口愁也既已安集又復哀鳴于使臣蓋痛定思痛其痛最深苦後說苦

其苦更甚是以知者以為勞苦而不知者以為不知厭足而宣驕也此者指現在之人彼者設言之耳

庭燎

序美宣王也

按宣王起積衰之弊安內攘外不遑朝夕託為是詩以述其勤勞之意

夜如何其

音基

夜未央庭燎

力召反

之光君子至止鸞聲將

將

七羊反

賦也此詩人設為問答之語其語詞央中

也說文庭燎大燭也周禮司烜供黃燭樹于門外曰

大燭門內曰庭燎夜未半而庭燎有光鸞聲將將宣

王之未明求衣可知君子謂諸侯也止語詞將將聲

之大也蓋來者衆而其聲揚也王雪山曰此殆是殿

陛之間宮掖之內執事相為問答之詞而詩人述之

為詩范士文曰夜未央致詰之語庭燎句想料之

語三提君子是其注心君子處亦其顧忌外庭處

夜如何其夜未艾

音庭燎晰晰

音制

君子至止鸞聲

噦噦

音諱

艾盡也左傳秦后子云一世無道國未艾也

晰晰小明也噦噦聲之微也蓋來者稀而其聲殺也

晰晰小明也噦噦聲之微也蓋來者稀而其聲殺也

晰晰小明也噦噦聲之微也蓋來者稀而其聲殺也

夜如何其夜鄉

音向

晨庭燎有暉

叶熏

君子至止言觀其旂

渠斤反

鄉晨

近曉也

暉庭燎之餘光

天將明而燭

焰與曉烟相繚繞也

此時非徒聞聲而且見其旂矣

沔水

序規宣王也

規者正圓之器物有不圓者規之使圓人行有不周者規之使周按宣王初年

精勤政治不藉千畝而後怠心漸萌詩人以此人

心所繇失亂幾所繇伏故託于告友以諷王主于敬

以勝

怠也

沔

音免繇善反从水从𠂔非

彼流水朝宗于海

叶虎

鴈

音丰

彼飛隼

音笋

載飛載止嗟我兄弟邦人諸友

叶羽

莫肯念亂誰無



父母

叶滿清切

興也此以水之得所歸隼之得所止

與人情之必有所繫也沔水流滿也諸侯春見天子曰朝夏見曰宗秋隼解見采芑兄弟謂同姓邦人諸友謂諸侯當時厲王流羗其禍最酷故曰莫肯念亂誰無父母此痛心之語謝君直曰一身之遇亂不足惜父母之遇亂深可憂誰無父母不為一身謀獨不為父母謀乎為父母謀則當念亂則當思所以救亂也

沔彼流水其流湯湯

音傷失切

駛彼飛隼載飛載揚念彼

不蹟載起載行

叶杭

心之憂矣不可弭

彌氏反

忘

此以水之無所歸隼

之無所止與人之不循理也其流湯湯放縱無所入也載飛載揚言無所定止也不蹟不循道也載起載行言憂念之深不遑寧處也弭止也不可弭忘不可止而忘之也

歎彼飛隼率彼中陵民之訛言寧莫之懲我友敬矣讒

言其興

末章脫首二句隼之高飛猶循彼中陵民之訛言乃無懲止之者按事偶失人心則謗讒滋起

而所指之失多過于所行謬偽相傳故曰訛言病根皆起於不敬敬則讒言何自而興乎當時厲王使衛巫監謗告則殺之道路以目訛言四句蓋鑒往事而動色相戒也黃才伯曰嘗誦此詩知聖人之惡佞人也自昊天有若人也而君臣之道喪自小弁之有若人也而父子之恩絕自何人斯之有若人也而朋友之義虧自巷伯之有若人也而士大夫之心離自十月之有若人也而地震天鳴下民孽作矣國有若人亦曰殆哉此沔水之所以念亂也

鶴鳴

序誨宣王也

孔疏上言規謂正其已失此言誨謂教所未知

鶴鳴于九臯聲聞

音問

于野

上與切

魚潛在淵或在于渚樂

彼之園爰有樹檀

徒洛反

其下維樺

音托

它

他石經作它音拖

山之

石

實若反

可以為錯

七落切倉入聲

鶴鳴于九臯聲聞于天魚在于渚或潛在淵樂彼之園

爰有樹檀其下維穀

从穀从禾

它山之石可以攻玉也

比也

臯澤也九臯九折之澤喻深遠也人聞其聲之聞平聲聲聞于人之聞去聲水盤旋處為淵渚小洲也樺落葉也錯厲石也穀惡木也朱晦菴曰鶴鳴聲聞誠之不可掩也在淵在渚理之無定在也園有樹檀

而其下維擇言愛當知其惡也他山之石而可以為  
錯言憎當知其善也何黃如曰此必宣王末年之  
詩意其時山甫吉甫張仲召虎諸賢皆以次第凋落  
故其詩曰園有樹檀其下維穉至如諫廢魯適諫不  
藉千畝諫料民太原諫殷杜伯皆不見聽詩人所以  
致意于他山之石也漢王符云攻玉以石洗金以  
鹽濯錦以魚浣布以灰夫物固有以賤理貴人有以  
醜化好者也智者棄短取長以致其力愚玩此詩  
盡誠通變愛憎不溺修身治國之大要也詩人不直  
陳其義托為遠諷所謂說理有盡假象無窮者耶首  
言近聞於野次言遠聞於天首汎言可以為錯次  
親切言之可以攻玉亦教誨以漸而深之意也

## 祈父之什

## 祈父

序刺宣王也

宣王之末司馬失職千畝之戰軍士皆怨詩人慮其將敗故述軍士之怨祈父

以諷王也

祈父

音甫

予王之爪牙

訛手切

胡轉予于恤靡所止居

賦也祈尚

書作圻父者官之尊稱祈父司馬也職掌圻之兵甲故以為號此詩類呼祈父尊之也親之也恨之也

鳥曰爪獸

曰牙轉者循環不止之意恤憂也王之

爪牙分當敵王所愾從征豈得為過所謂轉予于恤

者調遣失宜優恤無聞故怨之也按通鑑外紀宣王

二十三年王伐太原戎不克三十八年王伐條戎奔

戎王師敗績三十九年戰于千畝王師敗績于姜氏

之戎四十一年征申戎破之轉予于恤蓋謂此四役

也周語杜注西河介

休縣南有地名千畝

祈父子王之爪士

上聲

胡轉子于恤靡所底

爪履切

止

首章主六

軍之衆言次章主宿衛之士言以其宿衛故以士名所以別于軍衆也周禮虎賁氏有虎士八百人王在國則守王宮國有大故則守王門時蓋空國俱出六軍與宿衛之士俱在行間也止居以地言底止以時言底至也不知至何時而止也

祈父亶不聰胡轉子于恤有母之尸饔

亶誠尸主饔熟食也亶不聰謂

祈父真昏瞶不知人痛苦我家有母在胡為使我不得奉養而母自主饔飧之事也獨言母者或以王師屢喪復遣孤子出征猶國策所謂今其存者皆死秦之孤也悲亦甚矣此詩每章不過十餘字耳怨氣滿懷文章之妙至此

白駒

序大夫刺宣王也

宣王不能用賢故賢者去而不可留詩但言賢者之不可留而宣王

之不用隱然言外矣

皎皎白駒食我場

直良反

苗繫

陟立丁反

之維之以永今朝

所謂伊人於焉

於虔切又如字

逍遙

興而賦也

皎皎潔白也馬高五尺曰駒謂賢者所乘

也場圃也穀始生曰苗繫絆其足維繫其鞵永久也以永今朝得賢者與之處一日當千古也伊人指賢者也而云所謂伊人者乃心中愛慕之人不輕言其名姓也逍遙徘徊少留之意為此詩者以賢者之去而不可留也故托言所乘之駒食我場苗繫之維之使其人逍遙不去若後人役轡井中也

皎皎白駒食我場藿

音霍火郭反

繫之維之以永今夕

祥倫反

所謂伊人於焉嘉客

充各反之禮故曰嘉客

夫曰嘉客則有燕藿荳葉也王者有賓臣

飲之事矣戰國策嚴仲子以千金為聶政之母壽聶政國辭然仲子卒備賓主之禮而去古人非徒不輕與人友并客之一字亦不妄許如此望門而投掉臂之交可以為客乎

皎皎白駒賁

音閼又音奔

然來思

新賁反下同

爾公爾侯逸豫無

期慎爾優游勉爾遁思

凡物有精采曰賁賢人之來誠國家光華然時事日非矣爾公

爾侯般樂怠傲無有己日如此人尚可與共事乎但有優游以去耳去而毅然掉臂公侯必以為異已多方媒蘖故優游亦須慎如易之好遯嘉遯肥遯毫無痕迹方為妙用然此心則確然不拔不可以外示模



稷而中有他念也故曰勉爾遁思思語詞此蓋為國家計則深惜賢者之去為賢者計則又深體其情之必去也

皎皎白駒在彼空谷生芻

楚俱切

一束其人如玉毋

音無

金

玉爾音而有遐心

在彼空谷則乘駒而去送別後事矣在彼空谷寂寞無人但見行李蕭然

惟生芻一束以供秣馬之用而已生芻新刈之草其  
人如玉真有目極行暉丰采在望之意無金玉爾音  
望有以教誨我也呂伯恭曰所謂伊人于馬逍遙  
于馬嘉客斯人何人廊廟之人也乃於此而逍遙乎  
於此而為嘉客乎既幸其來以為榮復深歎所處非  
其地也其言含蓄不露其詞氣慘然不樂矣三章則  
明言之賢者責然而來去朝適野時事可知矣爾公  
爾僕猶豫無期而不知懼乎於是與賢者訣別慎

爾優游言善自保護無以優游自逸而失衛生之節也勉爾適思勸其長往確不可拔也仰而慨然責公卿俯而眷然別賢者其情意至今可念也四章疑其遂忘世也故囑之曰無金玉爾音而有遐心蓋有世道之深思非僅僅一人之交情也

### 黃鳥

序刺宣王也

宣王之末民有失所者意他國之可居也又其至彼則又不若故鄉故思而欲

歸使民如此亦異於還定安集之時矣

黃鳥黃鳥無集于穀

從設下

無啄

卓音

我粟此邦之人不

我肯穀

從禾不

言旋言歸復我邦族

黃鳥黃鳥無集于桑無啄我梁

音涼 从木 不从木

此邦之人不

可與明

叶

言旋言歸復我諸兄

叶虛 王切

黃鳥黃鳥無集于栩

音

無啄我黍

从木 从小 不

此邦之人不

可與處言旋言歸復我諸父

叶甫 木名 從木 不我肯穀穀善

比也 無集于穀穀善

也從禾粟米之有附穀者梁有黃白青三種性涼故稱梁栩解見唐風鵲羽此詩非農賈之徒流離失所

蓋訪道求友不諧于俗者故曰莫我肯穀言不以善道相勸勉也曰不可與明言是非莫辨也曰不可與

處言薰猶不同器也頻呼黃鳥正與此邦之人相為

暎帶見人無可與語但可與黃鳥相為問答耳曰無集于穀無啄我粟有呼而同去之意亦孤苦極矣

首言邦族中言諸兄末言諸父人情困苦之極則益

思其親  
者馬

我行其野

序刺宣王也

周之盛時以睦姻任恤教道其民風俗醇厚至黃鳥行野之詩作則教道微而

習俗薄君子是以知宣王之後周道之衰也

我行其野蔽芾

音沸

其樛

音教書切

昏姻之故言就爾居爾不

我畜復我邦家

叶攻乎切

我行其野言采其葍

音菑又音遂

昏姻之故言就爾宿爾不

我畜言歸思復

我行其野言采其菑

音福叶筆力反

不思舊姻求我

毛傳鄭箋作爾

新

特成不以富

叶筆力反

亦祗

音

以異

叶逸職反蔽芾解見甘棠樛莊子

典而賦也

所謂不材之木遂惡菜今人謂之羊蹄其葉可茹

菑亦惡菜一名蕘其根可溫噉婿之父婦之父相謂

曰婚姻畜養也特匹也求我新特宜從毛傳求爾新

特成當依論語作誠祗適也言樛可以蔽蔭遂可以

治疾菑可以禦飢我與爾為婚姻而不我養則惡木

惡菜之不如矣朱康流曰誠不以富亦祗以異棄舊

求新實非以富而厭貧亦祗以新而異故蓋以富厭

貧奸民猶避其名以新間舊良民常蹈其失此不知

禮教之故也其責人也恕其責上也切

矣自新父至我行其野大概似風體

斯干

序宣王考室也

竹書宣王八年初考室考成也厲王遭亂出居於瑣凡十四年而後宣王

立宮室敗壞宣王中興謂四方聽治之地不可卑陋考室以新其氣象詩人因為是頌禱之詞

秩秩斯干

居焉切

幽幽南山

所翊切

如竹苞

補苟切

矣如松茂

莫口切

矣兄及弟矣式相好

許厚切

矣無相猶

余久切

矣

賦也秩秩

言水之脉絡分明干水涯也幽幽言山之氣勢深厚南山終南山也苞叢生也式用也猶謀也宣王作室後臨水前對山其盤基之固如竹之苞其庇蔭之廣如松之茂但願爾兄弟之居此室者有相好而無相謀則此室可以長保按兄弟相怨猶鵲形跡相謀則藏怨宿怨踪跡詭秘無所不至矣味此詩殆有鑒於管蔡之事者耶

似續妣祖築室百堵西南其戶爰居爰處爰笑爰語

似嗣

也似續妣祖謂嗣續先人之業協韻故妣先于祖鄭箋以妣為姜嫄歷考經傳周無姜嫄之廟以閼宮為姜嫄者始於毛傳康成因之以傳會周禮殊不足信也百堵言廣且多也解凡鴻廡西南其戶西嚮戶南嚮戶猶云南東其畝也爰於也

約之閣閣椽

卓音

之橐

托音

橐風雨攸除烏鼠攸去君子攸

芋

此言牆垣之固約以繩束版也閼閣上下相束也椽以杵築之也橐橐杵聲也牆垣既固風雨烏鼠不足

慮矣芋蹲鴟也君子攸芋于義無所取蓋傳寫之誤

如跂

音起又音企

斯翼如矢斯棘如鳥斯革如翬

音輝

斯飛君

子攸躋

音賈 此章言外之堂也蓋自外而觀其氣象軒暢如此

端拱如鳥之翼也棘急也天行緩則枉急則直如天謂煎隅繩直如矢也華變也謂竦起如鳥驚變而味傾也伊雒而南有鳥素質五色成章曰輦如輦謂棖題丹牖其文彩軒翔如輦之飛也宮室之美如此宜君子升而居之也躋升也

殖

市力反

殖其庭有覺其楹噲

音快

噲其正

音征

噦

音晦

噦其冥

莫形反

君子攸寧

此章言內之室也蓋自內而觀體局深遠如此

柱也噲噲與快也正謂向明之處噦噦深遠之貌冥謂室之與寔寧謂燕息優游也古者法陰陽以為宮室正為陽冥為陰噲噲言其前之與墀噦噦言其後之幽深君子負陰抱陽以安其神所以寧也



以覺為高大終未確當愚意人之入室未及見梁棟  
先見其柱柱大則入其室者最易觸目故曰有覺不  
知有常於詩人之意否楊用修曰噦噦其冥屋深  
響也如空谷之傳聲賦所謂樵螟飛生風尺蠖動成  
也

下莞

音官

上簟

音徒

徒檢

二切

乃安斯寢

于檢

于

乃寢乃興

火

官

二切

乃寢乃興

火

官

二切

乃寢乃興

火

官

二切

乃寢乃興

火

官

虛良

二反

乃占我夢

音蒙

又

吉夢維何

如字

又

維熊維羆

宜

彼

二反

維蛇

于其土

何二反

因言室遂言

蓋文典所至

言

因言室遂言

蓋文典所至

言

因言室遂言

蓋文典所至

言

因言室遂言

蓋文典所至

言

彼何

二反

維虺

音毀

許

維蛇

于其土

何二反

因言室遂言

蓋文典所至

言

因言室遂言

蓋文典所至

言

因言室遂言

蓋文典所至

言

因言室遂言

蓋文典所至

言

因言室遂言

蓋文典所至

言

因言室遂言

蓋文典所至

言

因言室遂言

莞草名叢生水中莖圓江南以為席簟以竹為之熊  
類犬豕人足黑色性輕捷好緣木羆似熊黃白色猛  
慙多力能拔樹木虺似蛇而小此以虺蛇為吉兆者  
第取隱伏之義耳古人假象無拘忌如螽者春秋書

以為災而蝨斯之詩以美后妃是已說文虺以注鳴  
陸農師曰虺似蛇而小語云為虺弗摧為蛇奈何非  
蝮蛇也

大人占之維熊維羆

音同上

男子之祥維虺維蛇

音同上

女

子之祥

羆蛇隔句一韻祥祥隔句一韻之官當時在位而尊信者如晉平夢黃熊入寢

大人非占夢

門而問子產晉文夢與楚子搏而問子犯之類熊羆  
在山陽之祥也故為生男虺蛇穴處陰之祥也故為  
生女心清神定則有開必先博物通達則占事知來  
蓋人之精神與天地陰陽相流通故夢各以其類至  
而大人亦即以是占之

乃生男子載寢之牀載衣

於既反

之裳載弄之璋其泣嗶

嗶

音橫

朱芾斯皇室家君王

裳下之飾璋半圭臣之職也人無生而貴者欲為君父當

先知為臣子故不言圭而言璋不言衣而言裳嗶嗶聲大也朱芾解見采芑皇猶嗶嗶也君為諸侯王為

子天

乃生女子載寢之地載衣之裼

音替

載弄之瓦

魚貴切

無非

無儀

音義

唯酒食是議無父母詒罹

音麗

也陽襄兒之被即用

其所衣而無加也裳畫日夜也明當主于外事裼夜衣也明當主于內事凡紡磚所以鎮車弄之瓦習其本業也婦人貴靜嘿不當有非議尚質朴不當如丈夫折旋揖讓棣棣之多也孟母曰婦人之禮精立飯畢酒漿養舅姑經衣裳而已故有閨門之修而無境外之志

黃東發曰嘗見湖州風俗婦人以麻線為

業人各一瓦覆於膝而索麻線於其上歲久瓦率成  
坎想古亦有此事居室之慶莫過於兄弟和睦子  
孫蕃衍此詩首以兄弟終以子孫得其要矣此詩  
九章為室成頌禱故一章願其保兄弟于斯二章願  
其繼祖妣于斯三四五章願其安身體于斯自  
六章以至末章願其得子孫于斯總為室咏也

# 無羊

## 序宣王考牧也

厲王之世物產彫耗牧人職廢宣王  
獨能興復至是而成故叙而歌之按

周禮牧人掌牧六牲而阜蕃其物六牲不特牛羊而  
祭祀之典以牛羊為重故特舉之若馬為國之大用  
別立牧師掌之已詳車攻吉日之篇故不及也後世  
好大喜功之主知有車攻吉日之可羨而已此詩所  
稱卻而不足道豈知牲畜之多寡表國  
之盛衰所以兆太平者正在於此哉

誰謂爾無羊三百維羣誰謂爾無牛九十其牝爾羊

來思其角濺

音貴莊立反

濺爾牛來思其耳濕濕

始立尸立二反賦

也誰謂者荒亂後驚喜之辭獸三為羣一羣三百不知其羣之多少黃牛黑唇曰牝牝牛九十不知其不牝者凡幾濺濺和也羊以觸為患故言其聚而和濕濕潤澤也牛病則耳燥故言其潤而濕

或降于阿或飲于池

唐何切

或寢或訛爾牧來思何

何可反又

字如蓺何笠或負其馭卅

三十石經作卅

維物爾牲則具

叶居律切訛

動也何荷也物類也三十維物謂青赤黃白黑毛色各三十也降阿飲池或寢或訛牛羊原有自得之趣而牧者又能荷蓺笠費乾糧從牛羊所適以順其性是以生養蕃息其色無所不備而祭祀之牲無所不

有也凡祭祀當用五方之色

爾牧來思以薪以蒸以雌以雄

于凌切

爾羊來思矜矜兢

兢

其水切

不騫

起處切

不崩靡之以肱畢來既升

古更切

上言爾牧

來思是牧之而出此言爾牧來思是牧之而歸也  
曰薪細曰蒸以薪以蒸以雌以雄言牧人閒暇而不  
怠惰也羊性躁矜矜兢兢即俗語挨挨擠擠不相讓  
之象騫者爭先而越進前者離羣而失後惟矜兢而  
又不騫不崩循序而行絡繹不絕歸時之景象如此  
既盡也升者升而入于牢也靡之來則來靡之升則  
升人識物情物  
解人意如此

牧人乃夢衆維魚矣旒

音

維旒

音

矣大人占之衆維魚

矣實維豐年

尼因切又如字

旒維旛矣室家漼漼

如字又音連上魚旛連兩

句為韻下又魚旛隔句一韻

周官牧人有士府史

徒之屬魚麗為萬物盛多之象故夢魚為年歲豐稔

之祥州里建旛縣鄙建旒皆所以聚衆故夢旒夢旛

為生齒蕃殖之兆漼漼衆也此收成而考之之詩故

首言牧類之多次言牧事之備三言牧人之暇而以

吉祥之事終焉朱康流曰周禮占夢職云歲終占

獻吉夢于王王拜受之予嘗疑此為習諛道諂之事

必非周公所為及觀此詩乃知古人所獻之吉夢惟

是歲稔民蕃而已故拜受之所以重民事而為之召

祥去災者無所不盡也呂伯恭曰以斯千無羊之

卒章觀之所願乎上者子孫令淑所願乎下者民物

豐阜此外無奢望也彼秦漢好大喜功之主豈以是

為可願哉若論宣王詩之次序則鴻雁庭燎宜在

采芑車攻之前斯千無羊宜在沔水祈父之前豈毛

序非刪後

定本即

# 節南山

序家父

音南

刺幽王也

家父周大夫也幽王宣王子名宮涅

節

音截

彼南山維石巖巖赫赫師尹民具爾瞻憂心如惓

鹽

音談徒切

不敢戲談國既卒

子律反

斬何用不監

古鹽反興也首言

尹氏之失民望

節高峻貌巖巖積石貌赫赫顯盛

貌師太師周之三公也師尹尹氏為太師也具俱瞻

視惓惓內熱也憂心煩悶至不敢戲言懼其以疑似而

加誹謗之罪也卒倉卒也卒斬指厲王流彘之事既

覆車在前何不

用之以監戒也



節彼南山有實其猗

於何切

赫赫師尹不平謂何天方薦

瘥

才何反

喪

息浪反

亂弘多民言無嘉

居何切

懔

七感切

莫懲嗟

遭哥切

次言師尹失民望在于不平猗阿通曲

阜曰阿言隱曲之處草木無不充實是其氣之均平

也不平謂何詰問之詞方者方來而不已薦再也屢

也瘥病弘大懔懔止嗟懔也懔莫懔言為惡自

若無改悔之心也禮言冢宰均邦國書言冢宰均

四海大臣之任惟在均平公溥南山草木充盈亦惟

氣之均平而已乃師尹之不平謂何豈以天時人事

尚可苟安耶以言乎天則薦瘥而喪亂弘多以言乎

民則互相詬訾無一善言而毫不懲創毫不嗟嘆相

習為非以為固然不平之害至於此黃才伯曰尹

氏不平此幽王所以亡春秋于平王之末書尹氏卒

見權臣之繼世也于景王之後書尹氏立王子朝見

權臣之  
危國也

尹氏大

音泰

師維周之氏

都黎切

秉國之均四方是維天子

是毗

婢尸切

俾民不迷不弔

如字又歷反

昊

胡老反

天不宜空

音控

我師

賦也此歷言太師職任關係甚重以愧之氏星名天根也謂角亢二宿下繫于氏如木之有根太

師為國家安危存亡所係是周之氏也秉持也秉法

度以齊衆為均均為瓦器者之車盤也周語律所以

立均注均長七尺繫弦以均鍾者也維者如繩之維

毗者如車之輔洪容齋曰說文毘人臍也本作毗从

臼音信取氣通也从比聲天子是毗謂太師之官乃

通元氣之所迷惑也不迷使民無迷惑之憂也此四

句言其任之至重弔愁也昊元氣博大之貌不弔昊

畏吾且未與女論但女為太師自有職業曠而不為  
宜乎不宜乎空曠也師謂太師之位非其人而處其

位與無人

同故曰空

弗躬弗親庶民弗信

叶斯反

弗問弗仕勿罔君子

獎里反

式

夷式已無小人殆

養里切

瑣瑣姻亞則無牖

音武仕

此言尹氏不平

在任人

玩弗躬弗親謂陰施陽設或歸過于君或

委罪于下弗問謂佯為不知託諸謹密如不欲專權

勢者弗仕如謝政乞休若不戀戀富貴者蓋皇父為

人挾數任術王莽之流既以愚流俗又欲罔君子不

知其專權擅寵人視之如見肺肝故曰弗躬弗親庶

民弗信弗問弗仕弗罔君子罔欺也式發語詞夷平

也已廢退也人既不可欺罔女只是平了心放了手

勿與小人危殆其國瑣瑣姻亞無竊饗大祿就是瑣

瑣小貌兩婿相謂為亞一娶姊一娶妹相  
亞次也無骨脂曰臘臘仕言其腴美也

昊天不傭

音容

降此鞠訕

音凶

昊天不惠降此大戾君子如

届

字書届當作屆音戒叶居例切

俾民心闕

苦桂切

君子如夷惡

去聲

怒是違

此言天意震怒須用君子以挽回之傭賃也  
不傭猶言不假貸也鞠窮訕亂惠順戾乖也鞠

訕大戾皆由尹氏無可奈何歸之於天然天心仁愛  
人主其挽回之道在用君子耳届至也闕息也說文  
云事已閉門也君子至則好亂之民心自息矣夷平  
也遠遠也用君子則無偏無黨可惡可怒之小人亦  
遠去矣

不弔昊天

鉄因切

亂靡有定

唐丁切

式月斯生

桑經切

俾民不

寧憂心如醒

音成

誰秉國成不自為政

音征

卒勞百姓

桑經切

此願王親政事定止也醒病酒也國成謂法度紀綱一成而不可易者前言回天之易此言王若不以天變為憂則國家之亂無有定期如月初生日長一日使民不得安寧我憂之極此心如病酒者昏眩無所知識不知誰秉國成不自為政而卒勞百姓至此乎

駕彼四牡四牡項領我瞻四方

音蹠

蹠蹠靡所騁

音逞

此言王

既不怡但有去而已項領頭脊轉動之處即頸也蹠蹠縮小之貌騁馳騁馬以駕車則項領之處嘗至敝壞四牡項領言其無恙似可惟意所適然本根病則枝葉瘁終無可往之地唐詩出門即有礙誰謂天寬地

方茂爾惡

人聲去聲

爾相予矣既夷既懌

音亦

如相醺

音與

矣

懌隔句一韻

懌隔句一韻

懌隔句一韻

此言小人情狀不懌

懌

茂盛相視也相爾言欲戰鬪相殺傷也懌悅

也

此乃小人之喜忽怒心事叵測吾何以與之共事哉

此乃小人之喜忽怒心事叵測吾何以與之共事哉

昊天不平我王不寧不懲其心覆怨其正

叶平聲

家父

音甫

作誦

音切

以究王訛

音凶

式訛爾心以畜萬邦

悲工

切此二章推原亂本以格君心天之不平由於

王之不寧王之不寧由於心之不懲不懲其心則反

怨正已者矣家父句自陳其作詩之意究窮訛凶訛

動也萬事從心而起窮極王之罪惡以感動王之良

心良心一動萬邦可畜如王之不動何哉畜養也畜

萬邦猶言懷諸侯治其亂使上下相安持其危使大

小相恤皆畜之事也尹氏厲威使人不敢戲謔而家父作詩自表其出於已蓋詩人之情不一或微如諷諭或指斥愆咎或隱匿姓名或自顯官字盡忠竭誠不憚誅戮寺人孟子亦此類也鄭箋家父周大夫之字春秋之例天子之大夫稱字桓公七年天子使家父來求車上距幽王之卒七十五歲古人以父為字或累世同之朱康流曰家父名也鄭以為字則詩明言以究王訕豈有諫君而自稱其字者或以春秋所書家父來聘家父求車疑即其人則同時同國而名字相同者往往有之如晉成公之臣有兩嬰齊齊桓公之臣有三敬仲況相距數十年者乎即宣幽之際已有兩皇父矣則此家父為幽王時人有何疑乎按竹書宣王五年尹吉甫帥師伐玁狁六月之詩是也幽王元年錫太師尹氏皇父命詩所稱尹氏太師是也上距宣王之五年凡四十餘年其為吉甫之後無疑矣春秋隱公三年平王之王十一年也書尹

氏卒譏世卿也不知是此皇父否隱公五年曲沃莊伯以鄭人邢人伐翼王使尹氏助之此時尹氏卒已三年所使伐翼者必其子矣至昭公二十三年春秋書尹氏立王子朝二十六年尹氏以王子朝奔楚而後尹氏始不見于經傳蓋尹氏自宣王五年至敬王四年世仕周朝凡三百六年其始不過因伐獫狁之功耳禍遂與周相終始易曰臣弑其君子弑其父其所由來者漸矣項平甫曰幽王時為亂者皆宣王時故家率犬戎以攻幽王者崧高之申伯也為趣馬以亂朝者韓奕之蹇父也為卿士而貪殘擅政為太師而迷民誤國者常武之皇父尹氏也四人雖未必皆其身亦必無皆死之理以此知人才惟上所唐之裴矩即隋之佞人魏之華歆即漢之名臣也

## 正月



序大夫刺幽王也

竹書幽王四年夏六月隕霜即此正月也鄒肇敏曰凡經傳書正月

者有辨春秋王正月則建子之月即周禮所謂正歲也周禮正月屬民讀法則建寅之月也左傳正月慤未作則建巳之月于夏為四月即此詩之正月也隕霜在幽王四年周之亡在十一年

正

音政

月繁霜我心憂傷民之訛言亦孔之將念我獨兮

憂心京

居良反

京哀我小心癩

音鼠

憂以痒

音羊

賦也玩

首二句目擊心

傷之語正月正陽之月而有繁霜災變特異觀此能不憂傷乎凡詩張為幻罔上惑衆者皆謂之訛言將者方興未艾之詞既有天變又有人言此非一身一家之憂而我獨憂之其憂也多端故曰京京十萬曰億十億曰兆十兆曰京京京衆也癩從鼠即鼠也凡物之多畏者莫如鼠人之小心恐懼似之故曰癩憂

痒與瘍同義頭創  
謂多憂而病也

父母生我胡俾我瘡

音

不自我先不自我後

叶後五切

好言

自口

孔五切下同

莠言自口憂心愈愈是以有侮

瘡病也人窮則呼父

母言父母生我何忽病我適當斯時按好言莠言與訛言不同訛言起於愚民之狂惑昏亂好言莠言乃小人之傾側反覆自口謂昧心而出欲譽則譽欲毀則毀但憑其口中簸弄全無依據悲天憫世之人世俗皆以為可笑故曰有侮

憂心惇

音窮

惇念我無祿民之無辜并

必正反

其臣僕哀我

人斯于何從祿瞻烏爰止于誰之屋

惇惇憂意也無祿猶言不幸民庶民

也臣僕居官者也我之不幸固可念無辜小民及居  
官者將從何人而受祿乎民之聚散猶鳥也于誰之  
屋即鹿死誰手之意或疑此為求遷  
後詩則于誰之屋豈道其已然事乎

瞻彼中林侯薪侯蒸民今方殆視天夢夢莫登切既克有

定靡人弗勝音升有皇上帝伊誰云憎興也林莽之中大

昭然可辨民今危殆而視天乃夢夢然邪正禍福毫  
不清楚此殆天之未定者也若既定則福善禍淫人  
未有不為天所勝者亦祇在遲  
早間耳天豈有所憎而禍之耶

謂山蓋卑為岡為陵民之訛言寧莫之懲召彼故老訊

之占夢莫登反具曰予聖誰知烏之雌雄胡陵切謂山

為卑山之岡陵

自在高卑不可易也。小人以是為非，以非為是，是非自有定論，豈不可以懲創乎？乃不痛止之，徒與故老譚夢君臣相迷，人人自聖如鳥之雌雄，莫辨成何世界哉！山之高卑易知，鳥之雌雄難識，禽鳥之雌雄多以首尾毛色不同而別之，鳥之毛色雌雄不異，故獨以鳥為言。

謂天蓋高不敢不局

訖力反

謂地蓋厚不敢不踣

音積

維號

音豪

斯言有倫有脊，哀今之人胡為虺

音毀暉反

蜴

音亦星反

賦也。局，曲身也。踣，累足也。號，大呼也。倫，類也。脊，當從繁露作跡。跡，天高而踣地厚而踣人，皆謂吾言太過，不知吾之號呼而作斯語者，求之古有倫類可比驗之。今有踪跡可據，非過為憤激也。吾之痛苦若此，哀今之人亦可已矣。而復為虺蜴何哉？虺蜴非徒言其毒，言其狡獪也。毒而不狡，猶其毒未甚。虺蜴一名蜥蜴。

一名蝶蛭一名蝦蛭一名守宮有黑色者有青色綠色褐色者形狀相類名號各別故為狡獪之喻家語孔子讀詩至正月六章惕然知懼曰彼不達時之君子豈不殆哉從上依世則道廢違上離俗則身危謂天蓋高不敢不踣謂地蓋厚不敢不踣此言上下畏罪無所自容也

瞻彼阪

音反

田有苑

音鬱

其特天之扝

音月

又

我如不我克

彼求我則如不我得執我仇仇亦不我力

興也此言有用賢之名無

用賢之實阪田崎嶇境塙之處苑茂盛也特特生之苗也扝有齟齬摧折之意瞻彼阪田尚有特起之苗天多方困我竭盡心力惟恐不勝曾草木之不如矣曰天者無所歸咎也則榜樣也小人初用援引賢者為榜樣然薰蕕不同器欲進賢必先退不肖邪佞我之仇仇而執之不力則所謂求我者亦浮慕耳豈真

有好賢意哉不我得者其  
術不我力者其本懷也

心之憂矣如或結之今茲之正胡然厲

力傑反

矣燎之方

揚寧或滅

彌列切

之赫赫宗周褒姒威

呼決切

之

賦也結纏切也謂髮

不可解也正正月也厲與沴同當茲正陽之時而有  
繁霜之異所謂厲也變不虛生胡為至此蓋陰氣用  
事所致故下即說到褒姒褒國名如其姓也火田曰  
燎方揚之燎無有滅理赫赫宗周不止方揚之燎褒  
姒罪孽頓使宗周淪喪豈不可痛威音血从火从戊  
說文火墓于戊陽氣至戊而盡故从戊威與滅音異  
義亦不同滅者以水滅之滅自外也威者其火自滅  
威自內也蓋褒姒之禍起于宮幃惑于王心日就滅  
亡非敵國外患之可比故曰威之幽王之時周末滅  
亡而詩人為此言者蓋平王東遷卒不復振皆由于

此此聖人永終知敝斷其必至是也 節南山以通  
篇罪尹氏而人莫厭其煩絮正月以一語罪褒如而  
人莫厭其簡畧猶斷獄之文不擇繁簡而按法治罪  
衆心咸服也 列女傳夏之衰也褒人之神化為二  
龍伺於王庭而言曰余褒之二君也夏后卜殺之與  
去莫吉卜請其聚藏之而吉乃布幣焉龍忽不見藏  
聚櫝中至周莫之敢發也厲王之末厲王十二年流  
風之歲發而觀之聚流於庭不可除也王使婦人裸  
而譟之化為玄蜃入後宮宮之童妾未覩而遭之女  
子七歲毀齒曰亂既笄而孕女子年十五曰笄當宣  
王時始產在宣王三十六年上距流風之歲為五十  
年流風時童妾七歲則生女時其年五十六凡在母  
腹中五十年作為妖異不與人道同無夫而乳懼而  
弃之先是有童謡曰厲弧箕服實亡周國宣王聞而  
惡之後有夫妻鬻是器者王命執而戮之夫妻夜遁  
聞童妾遭弃夜號哀而取之遂竄于褒長而美好褒

人始有獄獻之以贖罪幽王受而嬖之號曰褒姒時年十四遂至滅周補注褒龍所吐之精氣譟譟呼也

終其永懷又窘陰雨其車既載乃弃

棄石經作弃下同

爾輔扶

反

載輸爾載將伯助

且子

叶與

比也此喻不信仁賢

雨

者輸墮也敗也左傳隱六年鄭人來輸平公羊傳輸平猶墮成也此解輸為墮之證將請也伯長也欲望救故尊之為伯承上言周之將亡如火之將滅而我冀望之心猶不能自己也故永思其終又如行道之遇陰雨陰雨之際全賴車輔相依乃復弃其輔弃輔則必墮敗墮敗而求助則已晚矣如唐太宗敗於高麗乃思魏徵明皇蒙塵乃思九齡亦有何益蓋望其任賢以救亂也治天下者任重致遠故以將車為喻訛言亂國祇顧目前譸張不顧結局敗壞借車行諷指出兩終字正是懲訛之法



無弃爾輔負

向音云  
今音元

于爾輻

筆力反

屢顧爾僕不輸爾載

節力反

終踰絕險曾是不意

叶億

上章是病此乃是藥

言輪也輪圓則利於馳驟輻以轉轂輔以益輻僕以將車無弃爾之輔負爾之輻顧爾之僕則可以不輸爾載而終踰絕險矣奈何曾不以爲意哉輪輻解見魏風伐檀詩志輔比相臣輻僕比諸司百執事

魚在于沼

叶灼

亦匪克樂

音洛

潛雖伏矣亦孔之炤

叶灼

憂心

慘慘念國之爲虐

此詩人自明其心也兩云亦者游釜之魚不必言即潛伏亦不免也危亂之世有道君子

在朝不可在野不可惟有致命遂志亦復何憂所憂者國政之虐民耳

虐民耳

彼有旨酒又有嘉殽

補協云殽與云不叶按別本作又有殽蒸蒸叶音

洽比

皮味

反

其隣昏姻孔云念我獨兮憂心慙慙

賦也此大夫既自傷及禍而又

恨彼小人飲酒樂亡也

熟肉有骨曰殽洽合也此視

比也隣謂皇父輩昏姻即褒氏親黨孔云互相贊美

慙慙心憂

而疾痛也

仳

音此

仳彼有屋蔌

音速

蔌方有穀民今之無祿天天

平聲

是

桵

音卓都木反

寄

哥我切

矣富人哀此惻獨

上章自鳴其痛此章則念彼惻獨之

民國以民為本此詩人之本懷也

仳仳小也蔌蔌陋

也指王所用之小人即上章旨酒嘉殽之輩木曰喬

草曰天桵擊也天天是桵言民刈草而食寄可也惻

無兄弟可依者老而無子曰獨

呂伯恭曰勞役之

甚者就其間自較輕重曰土國城漕我獨南行用苦  
之甚者又就其間自較淺深曰哿矣富人夜此悒悒  
十月之交

序大夫刺幽王也

竹書幽王元年錫太師尹氏皇父  
命二年涇渭洛竭岐山崩三年王

嬖褒姒冬大震電四年夏六月隕霜五年王世子宜  
曰出奔中皇父作都于向六年冬十月辛卯朔日有  
食之其時與此詩及正月之詩一  
一相合鄭氏以爲刺厲王者非也

十月之交朔日辛卯

莫後切

日有食之亦孔之醜彼月而

微此日而微今此下民亦孔之哀

於希切 賦也十月  
夏正之十月也爰日

月交會晦朔之間也月初曰朔朔朔也月光元而復  
生也朔日辛卯詩人不過因日食之變紀其文干如

春秋書月日例耳不必以辛卯為純陰乃為變也日  
食月食之也不言月食之者以其蝕日者不可得而  
凡故疑其詞曰日有食之醜惡也微不明也月有虧  
盈虧則微矣彼月而微則國其所此日而微則非其  
常天變既見君子知國之將亡國亡則民首被其禍  
是以哀之也元齊復讞云以授時歷推之周幽王  
六年歲在乙丑距延祐丁巳二千九十二年是歲實  
以夏正八月辛卯朔入食日限是周人改月數之一  
證何黃如曰以詩證詩詩有夏正無周正如幽風七  
月小雅出車小明周頌臣工皆夏正也至於四月維  
夏六月徂暑秋日凄凄百卉具腓冬日烈烈飄風發  
發其不改時與日又不待訓釋而自明矣我鼎思  
曰月非為抗日而食也乃與日相對不全合耳一分  
不對則食一分數分不對則食數分頃之復其當行  
之道而相對則復滿矣孔疏夫日懸象著明照臨  
下土忽爾滅亡俾晝作夜其為怪異莫斯之甚故有

伐鼓用幣之儀貶臆去樂之數因其變常設為勸戒使知道之士識先聖之深情中下之主信妖氛以自懼來道之曰唐虞之時歷象已極詳密獨日月之食缺而不講良有深意後世推其刻日定時視為固然戒省之意

蔑如矣

日月告凶

虛王切

不用其行

戶郎切

四國無政不用其良彼

月而食則維其常此日而食于何不臧

日月告凶告字謂若諄諄然命

之者見天心之仁愛人主也行道度也不用者月不避日失其道度也四國無政是日月告凶之故春秋書日食三十六不書月食貴陽賤陰此理之常故復于日月中較量其輕重而言之于何不臧是詰問語

煜

于輒反

煜

震電不寧不令

音零

百川沸

南味反

騰山冢峯

子恤

仇恤  
二反

崩高岸為谷深谷為陵哀今之人胡憯慘莫懲陵直

切此言非獨日食且災異荐至煜煜雷光也寧安

令善也沸如湯之沸騰超而上也山頤曰冢率崩與

沸騰相對率當作倉卒之卒舊以為山之

巉巖註家之誤哀今之人即指下皇父輩

皇父

音甫

卿士番維司徒家伯冢宰仲允膳夫聚

音郊

子內

史蹶

音隄

維趣

音威

又

馬

音滿

補

楸

音矩

維

師氏

音豔

豔

音豐

妻

嬭

音

嬭

音

方處

此歷數羣小以明致災之由

皇父家伯仲允皆

字番聚蹶楸皆氏卿士六官之外更為都官以

總六官之事者司徒掌天下土地之圖人民之數冢

宰掌建邦之六典皆卿也膳夫上士掌王之飲食內

史中大夫掌爵祿廢置生殺予奪之法趣馬中士也

掌王馬之政師氏亦中大夫以兵守王門掌司朝得

失之事艷美也艷妻獲姒也婦言威勢熾盛方言方  
得時未有已日處言盤踞不可動搖此輩官有崇  
卑皆以權寵聯結外則皇父為盟主內則艷妻為與  
援不論流品不分階級蜂屯蟻聚雖無犬戎亦難免  
驪山之禍矣

抑此皇父豈曰不時胡為我作不即我謀謀悲切徹我牆

屋田卒汙萊歲之切曰予不戕在良反禮則然矣於姬切首草備舉

朝之小人不過以類聚而已而皇父實尸之故此章  
單言皇父抑發語詞時是也作力役之事即就徹毀  
卒盡也汙停水萊草穢也戕害也言皇父所為誰說  
不是既已是矣胡為使我大興作而不就我謀乃遽  
毀壞我牆屋使我田不獲治早者汙而高者萊耶又  
自文其說曰非我害女乃下供上之禮當如此耳

彭氏執中曰三代之君不敢鄙夷其民以從已之欲  
每有興作謀及庶人如盤庚遷殷益進厥民而告之  
三代世守此道故詩人  
曰胡為我作不即我謀

皇父孔聖作都于向

式亮切下同

擇三有事宜

都似反

侯多藏

才浪反

不慙

魚親反字書从大俗从文誤

遺一老俾守我王

于故切

擇有

車馬以居徂向

孔甚聖通明也孔聖是詒詈反詒言皇父真是聖人作都以下正說他聖處都

大邑也周禮畿內大都方百里小都方五十里皆天子公卿所封之地作都于向徙民而作其邑也向地名在東都畿內三有事侯國之三卿皇父封於畿內當二卿今立三有事是增一卿自比于侯國也慙強也且也心不欲而勉為之詞老持重練達之人國有老成人雖離亂之際尚足維繫人心故皇父并挈之



而去有車馬謂富家巨室以居謂盡室而行也此等  
作用豈愚人所為故曰宦父孔聖杜預注河內軹  
縣西有地名向上軹縣即今河南懷慶府濟源縣鄒  
肇敏曰向在東都畿內此時周都豐鎬皇父既總朝  
權何肯舍此而徂彼蓋見西戎方強王室方峻自知  
負天下之怨而營狡窟以自固耳且如鄭桓公亦賢  
司徒也懼周難之及謀何所以逃死而寄身與賄  
于號蓋當時公卿皆有鄙焉之營而皇父實為之備  
老成練達點逐殆盡氏有車馬皆往向邑朝  
廷空虛如此夫戊之至自然如摧枯拉朽矣

黽勉從事不敢告勞無罪無辜讒口誶誶音反下民之孽

匪降自天

如字又叶神

噂沓音樽

徒各反

背憎職競由人

叶然又如字

詎詎勉解見却風谷風從事從王事也詎詎衆多也尊  
災害也噂聚談沓重複也相對談語不勝殷勤退而

轉背遞相非竅職專也競竭力為之也時皇父輩已散之四方我獨居朝勉力從事不敢言勞此有何罪而橫遭讒毀乎斯非天所為由人多言相悅背則相憎所謂孽自人作於天何尤益指皇父寵如輩也

悠悠我里亦孔之瘁

呼消反

四方有美我獨居憂民莫不

逸我獨不敢休天命不徹

質五反

不敢效我友自逸

悠悠遠也

瘁病也美欣美也快樂也與憂相反徹均也徹法通力合作計畝均分是均之意故借用其字友僚友也此言仕不得志則思故鄉故鄉又無安身處曾庶民之不如思按有美者與居憂者較逸者與不敢休者較相去懸殊此天命不均也人情刊此未免自詿精神不能振作詩人愈加策勵不敢悠悠忽忽隨俗偷情是呵等力量太史公曰小雅怨詘而不亂可見怨詘亦詩人所有然責乎不亂此時與正月篇無

詢赫赫宗周褒姒滅之之語有類妖言不敢出口即此詩第四章歷數羣奸指斥褒姒毫無顧忌不知當日詩人何以出口此詩何以傳後豈皆沉湎荒淫無暇問及此耶孔子曰詩可以怨恐未必然

# 雨無正

## 序大夫刺幽王也

劉公瑾曰詩之四章言曾我誓御慘慘日惓惓知其作于勢御之臣

矣一章首言周宗既滅繼言正大夫離居卒章言謂爾還于王都是東還之際羣臣懼禍者不復隨王故詩詞如此而文侯之命亦曰即我御事罔或者壽俊在厥服則其證也歐陽永叔曰古人於詩多不命題篇名俱無義例其或有命名者則必述詩之意如巷伯常武之類是也今雨無正之名與序所言合之於詩絕無闕涉闕疑可也劉器之曰嘗讀韓詩有雨無其極篇序云雨無極正大夫判幽王也至其詩之

文則比毛詩篇首更多兩無其極傷我稼穡八字晦  
卷謂前二章皆十句不宜獨多二句如聲敏謂依聲  
詩當以十二句分  
為二章其韻乃叶

浩浩昊天不駿其德

如字人  
都木反

降喪饑饉斬伐四國

如字  
又古

係反

昊

昊石經  
作昊

天疾威弗慮弗圖舍

音

彼有罪既伏其辜

平聲

若此無罪淪胥以鋪

賦也

人窮則呼天故首章以天  
發端說文元氣廣大則稱昊

天仁覆憫下則稱昊天昊天則宜駿德昊天則不宜  
疾威今皆反是詩人所以呼而告之浩浩廣大流行  
之貌駿馬之良者取迅速之義民如倒懸德非迅速  
無救於事殺不熟曰飢菜不熟曰饑又二殺不升謂  
之飢三殺不升謂之饑四國四方之國疾速也慮圖  
皆謀也舍置淪陷胥相捕偏也德則不駿威則愈速

連則不暇慮不暇圖故有罪而伏其辜者則恕之而弗論此無罪者使之陷溺更無不徧焉真可謂弗慮者矣

周宗既滅靡所止戾正大夫離居莫知我勗音異三事大

夫莫肯夙夜

施灼切

邦君諸侯莫肯朝夕

祥倫切

庶曰式臧

覆

芳服反

出為惡

此言百官離散

周為天下所宗故曰周宗戾定也靡所止戾未知天之所命

民之所定也周官六官之長曰正皆上大夫周書立政篇任人準夫牧作三事大夫乃其所屬之官臧善覆反也大夫無在公之誼諸侯無覲王之禮惟我誓御躬任其勞庶幾以我為善乃反出而肆虐無已即讒口誓

誓是也

如何

讀

昊天

叶神下同

辟言不信

叶

如彼行邁則靡所臻凡

百君子各敬爾身胡不相畏不畏于天

此望百官敬畏

如何猶言怎

生好辟法也邁行遠也臻至也王不信法度之言如人恣行志返我不知其所至矣王既如此為臣者並宜戒慎自持蓋世雖昏亂君子不可以為惡自敬故也畏人故也畏天故也胡為而不畏哉

戎成不退飢成不遂曾我誓

音薛思列反

御慘

慘音石經作慘千感切

慘

日瘁凡百君子莫肯用訊

貝悴反又音碎

聽言則答

同答

譖言則

退

此言羣臣無忠告也懣懣憂之甚瘁病訊告也

戎兵遂安曾但也誓狎習相慢

勢不退言外患之興也飢困之災已成而其生不遂言內憂之迫也此皆王身上事竟付諸不問但左右

言內憂之迫也此皆王身上事竟付諸不問但左右

小臣慘惻憂之凡百君子莫肯以是告王雖王有問而聽其言則亦答之而已不敢盡言也一有諛言及已則奉身而退莫肯朝夕于王矣君臣之義豈可若是忍乎

哀哉不能言匪舌是出音羗維躬是瘁哿矣能言巧言如

流俾躬處休

此言巧佞不能言之人呐呐不出口惟羗躬盡瘁而已能言之人口頭油滑只揀

便宜事做

維曰于仕上聲孔棘且殆

養里反

云不可使得罪于天子

獎里

反

亦云可使怨及朋友

羽已反

此言仕宦之難往也棘者芒刺不安之意殆危

于

也使謂用人也人皆曰仕耳仕耳不知仕之苦為國以用人為要奸邪之人王之所愛而朋友之所惡也

云不可使得罪于天子天子以為可使吾亦云可使  
則怨及朋友從時則違道從道則違時所謂孔棘且  
殆者如此

謂爾遷于王都曰予未有室家

叶姑鼠思

去聲泣血

反虛屈

無

言不疾昔爾出居誰從作爾室

此責不肯從王之臣凡物之多畏者莫如鼠

鼠思謂沉吟默想如鼠之晝伏夜行無聲而涕淚曰  
泣血淚出于目如血出于體皆不由聲故以淚比血  
昔爾從王遷都亦非難事而以無室家相拒不論是非  
開口便憎安得不泣血乎昔爾出居謂昔日皇父  
徂向爾輩亦思鄰搗之營彼時誰為女作室而今以  
無室為詞乎蓋恨之也按詩人諄諄欲諸臣之從王  
遷都者蓋謂播遷之際得故舊大臣盤桓同事則民  
望所歸人心睽屬中興可圖也鄒肇敏曰觀謂爾遷



于王都周轍既東當時扈從入洛者衛武鄭武秦襄晉文數君而外無聞焉則臣工之解體可知矣

小旻之什

小旻

序大夫刺幽王也

按幽王幸褒姒曰圖笑樂寧有皇皇謀國之事而此詩專言謀議紛

紆國是不定果何所指耶蓋自宜臼奔申之後幽王殊不為意因申侯有西戎及鄆之聘而王有太室之

盟伐申之役于是朝野驚怖各出議論蛙鳴蟬噪如詩中所言淪淪訛訛之類是矣當時幽王與師原欲

殺太子申挾犬戎入寇亦正以太子為詞使幽王割社席之愛誅褒姒廢伯服復太子之位布告中外以

謝申申亦以何者為兵端如唐明馬嵬之變必戮貴妃而後行正其事也當時在庭諸臣暨閭閻之民必

有持此議者惑溺之主優柔不斷故曰謀臧不從不  
臧覆用且宮闈之奸憑藉寵靈擅作威福諸臣為積  
威所劫但有渝渝訛訛為道旁之築而已誰敢聲罪  
致討捐弃身家以衛社稷哉故曰誰敢執其咎曰不  
敢暴虎不敢馮河正斥言諸臣畏首畏尾之象也所  
謂人知其一莫知其其他者當時必有城狐不灌社鼠  
不薰之議寧復顧國家大事哉如臨深淵如履  
薄冰即所謂淪胥以敗也驪山之弒不旋踵矣

旻天疾威敷于下土謀猶回遘何日斯沮謀臧不從

不臧覆用

于封反

我視謀猶亦孔之邛

音窮其凶反也旻天解見雨無

賦

正敷布四邪通僻沮止覆反邛病也天以仁憫為德  
今乃威虐薦臻是皆人事回遘所召而王之邪僻更  
不改圖不知何時而止羣臣之謀非無臧者臧者不  
從而反用其不臧則其謀猶適足為國家之病而已

渝

音吸

渝訛

音紫

又音咨

訛

亦孔之哀

於切

希

謀之其臧則具是

違謀之不臧則具是依我視謀猶伊于胡底

都黎反首章次章

言謀而不能擇

渝渝相和也

訛訛相訛也

具俱底

定也異乎已者雖臧亦違之同乎已者雖不臧亦依

之國是若此安

有底定之日乎

救切

謀夫孔多是用不集

發言盈

庭誰敢執其咎如匪行邁謀是用不得於道

徒候切此章言謀

之非其人我龜二句易所謂再三瀆瀆則不告也

集就也謀人之國國危則死之古之道也小人爭知

而讓過發言盈庭各是其是無肯任其事而決之者

猶不行不邁而坐謀所適之路雖謀之甚審亦安所

得道路哉左傳楚伐鄭鄭六卿三欲從楚三欲待晉子駟曰請從楚駢也受其咎是敗執之也一日耕當問奴織當問婢問路于不行路之人安能行路

哀哉為猶匪先民是程匪大猶是經維邇言是聽維邇

言是爭如彼築室

讀

于道謀是用不潰于成

此言謀而不能斷

先民猶言古人程法大猶大道也經常潰遂也言為謀者當以古人之大道為法不此之求而所聽信者與所執以爭者惟此淺近之言則如作舍道旁人人得為異論矣豈能有成哉

國雖靡止或聖或否

音鄙

民雖靡盬

音無

或哲或謀

莫徒反

或

肅或艾

音藝

如彼泉流無淪胥以敗

上兩章言其不能用此章言人亦有可用

者止定也謂安寧也聖通明也臚美也哲視明而  
辨晰謀聰聰而詳審肅貌恭而振飭父言從而和順  
淪陷也胥相也國雖紛擾不寧然或聖或否賢愚相  
半未可盡謂無人也民之風俗雖不美然哲謀肅父  
俱在民中未可謂時移俗壞一切棄之也譬如流泉  
常汲而用之則源清流長置諸不用則穢汙泥滓相  
率陷于腐敗而已言民字正見  
野有遺賢不在謀夫之列者

不敢暴虎不敢馮

符水反

河人知其莫知其他

音戰戰

兢兢如臨深淵

一均切

如履薄冰

徒搏曰暴虎徒涉曰馮河人皆知小心謹

慎謂虎不可暴河不可馮不知事關宗社有不得不  
冒險以從者乃畏首畏尾為戰戰兢兢之象終亦墜  
于深淵陷于  
冰谷而已

小宛

序大夫刺幽王也

宛彼鳴鳩翰

音汗飛戾天

如字又

我心憂傷

念昔先人

然叶

又

下同

又

又如字

明發不寐

有懷二人

興也宛小貌鳴鳩斑鳩也

灰色鰭頸俗呼鵲鵲性拙

又

又

又

又

又

構巢不過數莖時破其卵多聲故曰鳴鳩翰鳥翻即翼羽之勁者鳥飛其力不在翼而在翰戾至也先人

宣王也明發謂將旦而光明開發也二人謂文武鳴鳩小鳥又性拙尚能自奮而至天可見事在勉強可

以人而不如鳥乎故我心憂傷念昔宣王憫周室之將亡明發不寐而念文武之創業艱難遂致中興此

王所親見曾不以為念而令我臣下念之乎

人之齊

前西切

聖飲酒溫克彼昏不知壹醉日富筆力各

敬爾儀天命不又

夷並反齊整肅也說文麥禾吐穗上下均平

曰齊故借為整肅之義聖通明也溫和克能也彼昏斥幽王又復也酒乃狂躁之物惟齊聖之人性氣和

平其於酒也無嗜酒之習亦無惡酒之意冲恬靜雅如玉山之頽所謂不為酒困也彼昏迷無知者壹嘗

其味而醉則流連忘返日甚一日如居積者之聚財日就于富故曰壹醉日富以酒喪儀君臣沉湎則天

命將改矣故戒以各敬爾儀恐天命一去不復來矣嚴坦叔曰或疑飲酒小過未必係天命去留不知

蕩心敗德縱欲荒政疎君子而狎近幸玩冠讐而忘憂悲皆自酒啓之晉元帝以王導一言而覆杯其能

自立江左不亦宜乎

中原有菽庶民采

此禮反

之螟蛉

音名

有子螺贏

音裸

負

蒲美切

之教誨爾子式穀似

養里切

之

比也此因上言天命不又遂申述天命無

常之意以刺王之黜太子菽大豆也螟蛉桑上小  
青蟲螺贏細腰蜂也庶民采之螺贏負之則皆非我  
所有矣喻王有太子不能撫愛乃為申侯所有王若  
以宜曰為不肖何不用善道教誨而使之似續于已  
乎鄭箋中原有菽非有主也力采者則得之喻天  
祿無常家勤於德者則得之螟蛉有子乃已子也螺  
贏負之而去喻萬民無常主能治者則得之按詩螺  
贏負之不過言負之而去耳至於異類相求照姬變  
化是物理之妙詩人之意不在此羅瑞良云說者不  
知似字即似續之似誤以為如似之似故紛紛傳會  
螺贏取螟蛉之子置空隙中  
呼之曰類我七日而化成其子



題

音第彼脊令

音宋

載飛載鳴我日斯邁而月斯征夙興夜

寐無忝爾所生

興也此勉王宜自改圖解見常棣載則也我我王也邁征皆行

題視也脊令

也忝辱也所生謂宣王凡鳥飛則不鳴惟脊令且飛且鳴口翼俱勞可以人而自暴自棄乎今日月逝矣

王宜夙夜勉勵無辱宣王也嚴坦叔曰宣王承衰亂之後而能中興今繼中興之後反致衰亂故一曰先

人一日所生以其所親見者勉之非久遠難知之事

交交桑扈

音戶

率場啄粟哀我填

音顛

寡宜岸宜獄握粟出

卜自何能穀

比也此言刑禍橫行謂桑扈竊脂也喜盜脂膏而食因以為名

交交叅雜相亂之

率循也填窮盡也岸亦獄也韓詩作犴鄉亭之繫曰犴朝廷曰獄穀善也肉食之鳥入場啄粟喻貪汙之

吏搜括民間之粟以入囊橐也在上者如此我等填  
寡陷于犴獄勢所必至更復何辭故曰宜也此身猶  
在此心不死握粟出卜何道而可將與日月競進乎  
將與桑扈爭食乎曰自者我填寡之人毫無主意到  
底屬望于上之人耳史曰者傳曰卜者不審不見奪  
糈可見古人以粟問卜爾雅竊淺也脂白也夏扈  
竊玄言淺黑秋扈竊藍言淺青冬扈竊黃言淺黃棘  
扈竊丹言淺赤桑扈竊脂言淺白蓋指其色鄭箋所  
云肉食蓋指其性劉安成曰犴一作  
犴胡地犬也大所以守故以獄為犴

溫溫恭人如集于木惴惴小心如臨于谷戰戰兢兢


平聲

兢如履薄冰

此冰上自何能毅而言謀諸鬼神無一而可則但有戰戰兢兢兢兢日慎一日為其所可

為聽其所不可知者而已溫溫柔和貌惴惴憂懼  
貌如集于木恐墜也如臨于谷恐陷也如履薄冰恐

溺也表亂之世正人君子  
雖無罪而猶恐懼如此



待軒詩記卷四